



Kal. Romo.

35691

I

Mag. St. Dr.


P

THEOLOGIA.



35691

I



2

Sa

8

A

A

T

T



HEBDOMAS  
SANCTA  
PII SACERDOTIS:

*Sive*

XXXVI. perquam nervosa  
MEDITATIONES,  
Sacerdotum, & non  
Sacerdotum oſtiduanæ Recolle-  
ctioni, imò & Menſtruo uſui,  
ad profeſtum Spiritualem mirè  
conducentes.

*Item. pro commoditate  
Sacerdotum,*

ACCESSUS & RECESSUS  
ALTARIS.

*Ac denique*

Deliciæ Eucharistiæ.

*Editio Decima quarta*

SANDOMIRIÆ.

Typis Clari Coll. Soc. JESU. 1728.

*Collegii Grandi: 19.*

Sacerdotes Domini  
incensum & panes DEO  
offerunt; & ideo San-  
cti erunt DEO suo.

*Levit. 21.*

35.691

I.



Ad Sacerdotes Præfatio.

**V**erbum ad te, mi Sacerdos Christophile, aut si mavis, Christophore, Verbum ad Te, qui toties attre-ctas divinissimum illud Verbum, & quinq; verbis, de Pane, Verbi Carnem efficis Verbum ad Te! & quod illud Verbum? ut manum subinde subtrahas de tabula, pedem detrabas à semita, mentem retrahas à publicis, tecumq; tantisper habites; & nunc ores, nunc legas, nunc quæstiteris: sed non nisi de

lege Domini, in abscondito  
clausi cubiculi, seu cordis  
angulo. Et ne desit reforma-  
ri volenti meditandi mate-  
ria, en Tibi depromptam è  
sacris paginis, & S S. P P.  
placitis piarum Meditatio-  
num hebdomadem, non sub-  
limius humanæ sapientiæ  
verbis, sed à spiritu Sancto  
dictatis cælestis Treologiæ  
sententiis concinnatam. Ac-  
cipe eam, eo quo datur, ani-  
mo; id est, filiali, fraterno,  
vel etiam paterno. Fruere,  
vale, & vive, sed sic, ut vi-  
vas DEO, ad aram non inme-  
mor ejus, qui fuit, est & erit  
TOTUS TUUS.





*Dies I.*

Ego elegi vos, ut eatis, & fructum  
afferatis, & fructus vester  
maneant Joan: 15.

MEDITATIO I.

**P**unctum 1. Elegit te, Sacerdos Christophile, elegit te Deus, nullis tuis prævisis meritis; elegit te, forsan & tuis demeritis sine numero, ab æterno prævisis, elegit te, ex amore gratuito; elegit ex tot milibus; in

A3

infinitum, si potest, te melioribus, elegit te futurum Saulem, obstreperum, rebellem, inobedientem, alio relicto Davide meliori te. 1. Reg. 15. *Quid retribues?*

*Punctum II.* Elegit te Deus, à te non rogatus, tunc, cum rogare non posses, imò si potuisses, fortè præ malitia noluisse, aut præ ignavia rogare reduisset. *Quid retribues?* quid pro illa misericordia, quâ te sic indignum respexit; non quia tu dignus, sed quia mitis eras.

*Punctum III.* Elegit te Deus, de mille periculis mundi huius, ut esses unus de electis ejus.

O! *Amor.* & tu illum non eligis? ô ingratitude! cæcitas!  
Non

Non illum eligis, ut unicum, summum, infinitum bonum tuum? non eligis, non amplecteris, ut ultimum finem tuum? non eligis. non diligis sic te diligentem DEUM tuum?

**Propositum practicum.**

*Sincera Intentio DEO in omnibus, & per omnia serviendi ex puro amore.*

**M E D I T A T I O II**

*Ut eatis.*

*Punct. I.* Ut eatis de virtute in virtutem? quia peregrini sumus: peregrinus si steterit, nec progrediatur, regreditur, teste Bernardo.

*Punct. II.* Ut eatis, memores in quibus, periculis, quæ nos un-

diq; circumdant, memores coram quo? coram Iudice, coram DEO, qui videt omnia, qui detronabit in reprobos horrissonum illud: *discedite maledicti in ignem æternum.* Matth: 25.

*Punct: II.* Ut eatis de hora in horam, de die in diem, de anno in annum, de tempore brevi in longam æternitatem; de vita ad mortem, vel potius de morte ad vitam sempiternam.

### Propositum practicum.

*Utendi memoriæ præsentis Dei, mortis, æternitatis, ut stimulo ad ambulandum caute, & progrediendum in virtute.*

### MEDITATIO III.

*Et fructum afferatis,*

*Punct:*



*Dies I.*

*Punct: I.* Nemo non fructum quærit laboris & sudoris sui, quærit illum miles, quærit mercator, quærit advocatus, & quis non? quid verò tu Sacerdos Christophile, tu miles Christi, mercator cœli, advocatus animarum?

*Punct: II.* Fructum alii faciunt trigesimum, alii sexagesimum, alii centesimum, *Matth.* 13. Manent aliqui milites gregarii, alii mercatores tenues, alii advocati, sinè re, Nominales: quid tu Sacerdos in advocatura animæ, in mercatura cœli, in militia Christi? æmulare charissimata meliora. 1. *Corinth.* 12.

*Punct. III.* Fructum afferunt

A 5

in

in patientia. *Luc. 8.* Miles in prælio, mercator in officina, nauta in pelago, venator in nemore, piscator in flumine. Quid tu Sacerdos, an fructum quæris in patientia? an semper ut piscator hamum, ut venator retia tendit? an vigiles flectis oculos in omnem plagam tibi subiectam, sicubi deprehendas pauperem, sed in conspectu DEÏ pretiosam. Christi sanguine redemptam, gratiæ & gloriæ capax pacem animam.

**Propositum practicum.**

*Laborandi, tametsi fructus labori non respondeat.*

**MEDITATIO IV.**

*Et fructus uester maneat.*

*Punct.*

*Punct: I.* Non manet voluptas, temporalis est, & momentanea, in icu oculi dissipatur; non manet hominum existimatio, fumus est, uno Spiritu diffatur; Non manent divitiæ, sunt terræ pugillus, qui quàm difficile paritur, tam facile perditur, ergo terra caduca vale.

*Punct: II.* Quid verò mihi est in celo? *Psal.* 72. quàm stabilis, certus, perpetuus ille fructus, qui se diligentes manet, & manebit æternum, Deus cordis mei? & à te, quid volui: aur vel le potui super terram? quid: nisi fumum? nisi bullam? nisi terræ pugillum?

*Punct: III.* Non aliam ergo

8 *Hebdom. Sanctæ.*

mercedem laboris, non alium  
industriæ fructum quære Sacer-  
dos, nisi Dominum, qui est  
*pars hereditatis tuæ, & calicis*  
*tui. Psal.*

**Propositum practicum.**

*Fuga vanæ gloriæ; studium di-*  
*vinæ cuius gratia creati sumus.*



**HEBDOMADÆ  
SANCTÆ.**

*Dies II.*

**Beneficium Vocationis ad sta-  
tum Sacerdotalem.**

*Conserve me Domine, quoniam*  
*speravi in te; dixi Domino: DE-*  
*US meus es tu, quoniam bono-*  
*rum meorum non eges. Psal. 15.*

**Me;**



MEDITATIO I.

*Dignitas vocantis.*

*Punct: I.* DEUS est, ô Sacerdos, vide quem Dominum natus, cui Domino servias? Deus est, non est homo, non Angelus, non ulla creatura. Deus est, cui homo, cui Angelus, cui servit omnis creatura; Deus est dives in omnes; quanta fas est a lacritate huic Domino servias?

*Punct: II.* Non eges, quia tu solus Deus, solus unicum & omne bonum; solus & unicus, omnis causa, radix, origo boni; solus extra quem nullû bonum, in quo omne bonum, honestum, utile, delectabile; solus, æternum, immensum, infinitum, bonum;

solus tibi ab æterno sufficientissimus, nullius indigus, &c.

*Punct: III.* Non eges ministerio meo, quia omnia serviunt tibi; non eges ministerio ullius hominis; quia Angeli serviunt tibi; non eges ministerio ullius creaturæ quies Creator omnium: quid ergo respicis ad me, dicat humilis Sacerdos, ad me, pauperculum & trementem sermones tuos? Isa: 6.

### **Propositum practicum.**

*Immolandi quotidie DEO sacrificium laudis: pro beneficio vocationis.*

### **MEDITATIO II.**

*Indignitas vocati.*

*Punct: I.* Ille DEUS, Dominus:  
Crea:

Creator, nullius egens: tu servus, servus inutilis, mendicus, pauper, pulex vivus, canis mortuus; pulvis, cinis, purum nihil, & ad te respicit magnus, ille Deus!

*Punct. II.* Ad te? qui omnibus indiges: & cui omne non sufficit, nisi Deus: ad te, qui terra indiges: in qua ambules; aëre, per quem respices; igne, qui te foveat; sole, qui te illuminet; cibo, qui te reficiat; veste, quæ te tegat; Deo, qui te satiet. Et tamē.

*Punct. III.* Te respicit ille, cui serviunt Angeli, & cum Angelis omnia? Et tu, quid cum his omnibus, pugillus terræ, terræ vermiculus? Tu quid cum Angelis purissimis illis spiritibus, qui

qui terrenæ nil facis habent ;  
 qui nutum DEI accipiunt pro  
 imperio ? ah ? non es Angelus ,  
 mi Sacerdos , sæpe nec homo  
 es ut jumentum factus insipi-  
 ens. Et tamen ad te respicit DE-  
 US , ut vocet ministrum suum ,  
 ô dignatio !

### *Propositum practicum.*

*Iteratum ad DEUM suspirium  
 cum Davide: Conserva me Domi-  
 ne; & cum Thoma Kempensi ad-  
 juva me Domine in sancto propo-  
 sito meo, & divino servitio tuo.*

### MEDITATIO III.

#### *Altitudo Ministerii.*

*Punct. I.* Hæc colligitur I. ex  
 potestate ordinis : dicitur enim  
 Sacerdoti ordinando : accipe po-  
 testatem



testatē conficiendi; non cælum, non terram, non quidquid pretiosum, & artificiosum est; sed, Corpus & sanguinem D. N. I. C. amplius dici non potest. Potestas hæc regiam, Angelicam maternam Beatissimæ Virginis longè superat: huic enim dictum est: *Perficientur in te, quæ dicta sunt tibi à Domino*; at verò Sacerdos ipse conficit corpus Domini sui; quid sublimius?

*Punct: II.* Colligitur eadem sublimitas, ex potestate jurisdictionis, per quam Sacerdos cæli claviger est, & mundi totius Judex, solvens & ligans super terram, quod solvendum, aut ligandum Judicaverit. *Joan: 20.*

*Punct:*

*Punct: III.* Adde quòd Sacerdos vocetur Angelus, *Malach. 3.* Sal terræ, lux mundi, lucerna supra candelabrum, *Matth. 5.* Pastor, Doctor, *Joan. 10. & 21.* dispensator mysteriorum DEI, Episcopus, Pontifex, Præpositus. *1. Cor. 4. 1. Tim. 3. Tit. 1. Hebr. 5.* Vicarius ipsius Christi; ô mi Deus, quid est homo, quia sic magnificas eum? *Nimis honorificati sunt amici tui. Psalm. 138.*

### **Propositum practicum.**

*Utraque hac potestate utendi, non pœfunctoriè, sed cum omni sollicitudine, humilitate, modestia corporis, & animi.*

## MEDITATIO IV.

*Ingratitudo Sacerdotis.*

*Cum in honore esset, non intellexit, Psal. 28.*

*Punct. I.* Non intellexit altitudinem statûs sui: hinc ad sordes, volutabra luti, ad vomitum cum canibus, & suis, hoc est impuris hominibus, se abjicit.

*Punct. II.* Non intellexit pretium potestatis sibi creditæ, pretium corporis & sanguinis Jesu Christi: & hinc vel administrare negligit, aut non nisi lucri temporalis gratiâ, aut ex acediosa consuetudine, aut cum rædio administrat.

*Punct. III.* Non intellexit pretium jurisdictionis, quâ peccatoribus

ribus cælum referare potest vel  
 claudere; & indè tepor, & torpor  
 in excipiendis pœnitentium con-  
 fessionibus; ô mi Sacerdos, si  
 cognovisses & tu!

**Propositum practicum.**

*Non negligendi gratiam, quæ  
 in te est, quæ data est tibi per im-  
 positionem manuum. 1. Tim. 4.*

\*\*\*\*\*

**HEBDOMADÆ  
 SANCTÆ.**

*Dies 1<sup>ta</sup>.*

**Gravitas peccati Sacerdotalis, &  
 alia ad illud consequentia.**

*Si inimicus meus maledixisset  
 mihi, sustinuissem utique  
 Psalmo 54.*

**MEDI-**



# MEDITATIO I.

## *De peccato.*

*punct. I.* Tu verò homo unan-  
imis. Psal. 54. Id est amice, di-  
lecte mi, mi commensalis, qui  
mecum dulces capiebas cibos;  
tu velut alter Judas, post buc-  
cellam pretiosi corporis intin-  
ctam, in immaculato sanguine  
meo, tu reserasti cor tuum Sa-  
thanæ, clausisti Deo! & perfu-  
diam!

*punct. II.* Annon merito que-  
ritur per Jeremiam Dominus?  
*quid est, quod dilectus meus in do-  
mo mea fecit scelera multa?* Jer.  
11. In domo mea, in Ecclesia,  
in altari, in loco sancto, in loco  
virtutum, in gymnasio amoris

&c.

*Punct:*

*punct. III. Fecit scelera multa?*

Tu nôsti quæ & quanta deferas ad altare, vel auferas, ad tribunal pœnitentium, ad horas canonicas. Tu nôsti, necdum erubescis? *Exod. 3.* Jubetur Moyses Propheta sanctus exuere calceamenta de pedibus, priusquam montem ascendat, visurus, vel auditurus Dominum; tu ascensurus montem, ut tangas Dominum, non exues prius peccata per doloriferam, si potes, confessionem?

**Propositum practicum.**

*puritas conscientie ante administrationem Sacramentorum.*

**MEDITATIO II.**

*De morte.*

*Punct.*

*Dies III.*

*punct. I.* In hoc naturæ tribu:  
to, erit sicut populus, sic & Sacer-  
dos. Isa 24. statutum est. Hebr. 9.  
statutum omnibus, excepto ne-  
mine, sicut populus, sic & Rex,  
& Pontifex, & Sacerdos; imò  
& hæc omnia mortem aggra-  
vant. Time.

*punct. II.* Statutum est semel  
mori ah! semel tantum, ergo si  
semel semper miserè. Sic semper  
vive, ut semel moriâre bene.

*punct. III.* Bene moritur pl'  
us, sanctus, zelosus Sacerdos,  
memor præstiri Christo à se ob-  
sequii; qui dicere possit cum  
Jobo: credo quod Redemptor  
meus vivit, quem toties fide vivâ,  
mente purâ corde perfectò com-

tre:

trectavi. Male moritur Sacerdos malus, memor impuris manibus, impudicâ linguâ, impio corde eum se suscepisse pastorem suum, quem paulo post visurus sit Judicem, & quo vultu? *ô mors quam amara talibus est memoria tua?* Eccl. 41.

### Propositum peacticum.

*Sic vivendi, ut optabimus mori.*

### MEDITATIO III.

#### De judicio.

*punct. 1. Exiguo facile conceditur misericordia; durissimum verò judicium his, qui præsunt, fiet. Sap. 6. Audi hoc, qui constitutus es à Christo iudex, Sacerdos Christophile! audis nec times?*

*Punct:*

*Punct. II. Ibi judicabuntur, omnes justitia tua. Psal. 71. id est orationes, Sacrificia, Sacramentorum administratio, ægrorum cura & visitatio, exhortatio &c. quo zelo, sollicitudine, opportunitate sint exercitæ, an culpâ tuâ intermissæ!*

*Punct. III. Et scito quòd pro omnibus his, adducet te Deus in judicium. Eccl. 11. 9. Pro omnibus, quæ accepisti, talentis; quæ possedisti bonis, quibus fruitus es privilegiis, Cui enim multum datum est, multum quæretur ab eo. Luc. 12. Noverat id optimus magister morum Joannes Avila, qui de juvene Sacerdote mortuo post primitias: Sat habet, in;*

B

quit.

quit, in quo judicetur. Sat ille,  
mi Sacerdos? quantum ergo tu,  
qui toties sacrificas? utinam san-  
ctè, religiosè, & modestè, &c.

**Propositum practicum.**

*Judicandi te ipsum, & discer-  
nendi causam tuam per examen  
conscientia, antequam divina ob-  
eas mysteria.*

**MEDITATIO IV.**

*De luctuosissimo statu Sacer-  
dotum damnatorum.*

*punct. I. Cecidit corona capiti  
nostri: va nobis, quia peccavimus.  
Thren. 5. Sic ejulabunt sed se-  
ro, miseri apud inferos, Sacer-  
dotes: quia cum in honore es-  
sent, non intellexerunt, Exagge-  
rari hoc potest consideratio*

*Sacer-*



Sacerdotis degradati, & execra-  
ti, quod omnino tragicum est,  
sed umbratile ad Sacerdotem  
damnarum.

*punct. II. potentes potenter tor-  
menta patientur. Sap. 9. Ap-  
plica Sacerdoti, potestate suâ,  
quam habet, maximâ abutenti,  
& time.*

*punct. III. Quantum in deliciis  
fuit, tantum date illi tormentorum.  
Apoc. 18. Delicias Regum  
habent quotidie Sacerdotes in  
mensa Domini? væ! si præ his  
siliquas porcorum, id est, carnis  
voluptates ament, & quærant!  
væ! si nauseet eorum anima, ut  
olim Israëlitarum, super cibo i-  
sto, ut ipsi judicabant, levissimo!*

*Num. 21.* Erunt enim tunc hæ  
deliciæ, à Sacerdotibus spretæ,  
instrumenta tormentorum in  
omnem æternitatem.

**1 ropelium practicum.**

*Timida, cauta, circumspecta  
conversatio.*



# **HEBDOMADÆ SANCTÆ.**

*Dies IV.*

**Fervor & zelus Sacerdotalis.**

*Qui facis Angelos tuos Spiritus,  
& ministros tuos ignem uren-  
tem. Mal. 103.*

**MEDITATIO I.**

*De premio ferventibus pro-  
posito.*

Punct.

*Punct. I. Ubi ego sum, illic & Minister meus erit. Joan. 12. At ubi est Sacerdos ille magnus, ille fervens animatum pastor, ille indefessus venator? ubi est? non jam amplius in cruce, non sub cruce, non in horto, non in itineribus, montibus, vallibus, & fatigatus, sitibundus, famelicus, sed in gloria Patris: ibi, ubi omnia hæc mala exulant, omnia affluunt bona.*

*Punct. II. Ibi, ubi jucundissima, pacifica, fraterna societas sine invidia sine rixa, sine tædio.*

*Punct. III. Ibi ubi videbitur Deus Decorum in Sion. Tunc videbis, ô pie Sacerdos, & afflues, & mirabitur, & dilatabitur cor tuum Isa.*

## Propositum practicum.

*Cooperandi invicem sine invidia, cum fervore in exercitiis Sacerdoti propriis.*

## MEDITATIO II.

*De labore cui respondet præmium.*

*Tu verò vigila, in omnibus labora, ministerium tuum imple. 2. Tim. 4.*

*Punct. I. Vigila, id est in omnibus exercitiis vigil, salacer, exultatus esto. Vigila, quia advigilat & observat DEUS remunerator tuus Christus, summus Sacerdos tuus. Vigila in omnibus viis tuis, quia advigilat, & circuit Sathan ut leo, quarens quem devoret. 1. Pet. 5.*

*Punct. II. Labora, nunquam  
otari*

otari debet Sacerdos, , nisi eligat  
labi. Labora, id est: in omnibus  
conatum adhibe, nihil agas re-  
missè, memor cui labores. La-  
bora, quomodo laborat exten-  
sis brachijs Moyses, quomodo  
luctans cum Angelo Jacob, quo-  
modo sudans in horto Christus,  
quomodo sacrificans Ignatius to-  
tus igneus.

*Punct. III. Ministerium imple,*  
id est fac perfectè cum omnibus  
circumstantijs, & conditionibus,  
nihil minue, nihil detrahe: *DEI*  
*enim perfecta sunt opera.* Dev. 3 2.

Propositum practicum.

*pro DEI gloria & animarum*  
*salute non recusandi laborem N.*  
*N. in particulari.*

ME.

## MEDITATIO III.

*De fervore in orando.**Orationi instate, vigilantes.* ad r*Colos. 4. 2.*

*Punct. I.* Spectat hæc cohortatio Pauli præcipuè Sacerdotem, quia legatus est, advocatus, c Orator, Syndicus totius generis humani; & quod Christus est pro hominibus in cælo apud Patrem, hoc est Sacerdos apud Christum pro iisdem in terris.

*Ex hominibus enim assumptus pro hominibus constituitur in iis, qui sunt ad DEUM.* Hebr. 5. Sicut ergo Christus gemitibus inenarrabilibus pro nobis interpellat; sic debet & Sacerdos.

*Punct. II.* Sacerdos Angelorum  
of



officium gerit in terris. *Malach. 2. Angelus Domini exercituum est: nemo autem nescit, quid faciant in cœlis Angeli; assidue circa Deum, intelligendum, amandum laudandum occupantur. Faciat hoc idem, quantum potest, Sacerdos in terris.*

*Punct. III. Est enim oratio fervens, indicium bonæ vitæ, quod monet S. August. Hom 4. ex 50. Ille novit recte vivere, qui novit recte orare.*

### Propositum practicum,

*Horas Canonicas ut jubet Conc. Lateran: sub Innoc: 3. Studiosè quoque ad officium oris, & devotè, quoque ad officium cordis recitandi.*

MEDI-

## MEDITATIO IV.

*De fervore in Sacrif. Missæ.*

*Benedicite Sacerdotes Domini  
Domino. Dan. 3.*

*Punct. I.* Pontifex M. semel  
annuë ingrediebatur in Sancta  
Sanctorum, & quanto cum ap-  
paratu? Figura fuit ille, quid facit  
veritas? ille semel, Sacerdos, si  
vult, quodidie.


*Punct. II.* Semel Filius Dei fa-  
ctus est homo, & quanta præpa-  
ratio ab æterno? *in capite libri*  
*scriptum est de me, ut facerem De-*  
*us voluntatem tuam.* Psal. 39 Quod  
prævia Prophetarum oracula,  
Angelorum vota, Patriarcharum  
desideria? quot præcessere præ-  
ludia? mittitur Angelus, obum-  
brat

brat Spiritus S. 9. mensibus ge-  
statum in utero: & tu quid facis  
Sacerdos Christophile?

*Punct. III. S. Chrysoft :* vult omnes universum Christianos à sacra synaxi reverti quasi leones ignem spirantes? vult inter-esse Missæ ut in medio Angelorum choro; quid non exigit à Sacerdotè?

## Propositum practicum.

*Orationes Ecclesie preparato-  
rias ad Missam, & post eam; omni  
devotione recitandi.*



HEBDOMADÆ  
SANCTÆ.

Dies V.

Perfectio Sacerdoti propria.  
Sacer-

*Sacerdotes tui induantur Iustitiam.* Psal. 131.

MEDIEATIO I.

*Mativa perfectionis.*

*Punct. I.* Debet Sacerdos tendere ad perfectionem vitæ quia vult DEUS. Si enim de omnibus Christianis verum est illud Pauli 1. Thess. 4. *Hac est enim voluntas Dei Sanctificatio vestra*, & illud Christi Matth. 5. *Estote perfecti, sicut pater vester*, & iterum, apostolus omnes Christianos, Sanctos vocat, 2. Cor. 1. Eph. 1. Phil. 4. Quamò magis hoc competit Sacerdoti, & reliquis selecto, & in sortem Domini vocato?

*Punct.*

*Punct. II. Multum datum est Sacerdoti. Multum ergo queretur ab eo. Luc. 12. Cum enim augentur dona, inquit Greg. Hom. 9. in Evang. rationes etiam crescunt donorum.*

*Punct. III. Exigit plus à Sacerdote tum illius status, ad alios sanctificandos destinatus tum officium, quod gerit, Angelicis humeris, ut ajunt SS. PP. formidandum.*

Propositum practicum.

*Sic vivendi inter homines, ut exemplo non destruas, quod adificas verbo.*

## MEDITATIO II.

*Idea perfectionis.*

*Qui mihi ministrat, me sequatur.*

Joan. 12.

C

*Punct.*

*Punct. I.* Imaginem DEI per peccatum turpiter fœdatam, & quasi erasam, ut DEI filius ablueret, & instaurarer, factus est homo; abluit suo sanguine, instauravit exemplô, & doctrinâ. Hoc ille, quid tu Sacerdos?

*Punct. II.* *Primus discendi ardor, nobilitas est Magistri*, inquit Ambr. L. 2. de Virg. Hinc tyrones optimum in qualibet arte Magistrum quærunt, quem imitentur & imitando proficiant, & perficiantur. Non est nobilior Magister Christô dilectô filiô, in quo bene complacuit aeterno Patri. Math. 16. Ipse ergo audiendus, & imitandus est, & imprimis à Sacerdote.

*Punct.*



**Punct. III.** Si enim omnis Chri-  
 & stianus cum S. Gregorio dicat:  
 ab omnis Christi actio, nostra est  
 est instructio; quantò magis Sacer-  
 in dos, cui in Apostollis ejus præ-  
 nâ decessoribus ipse Christus dicit.  
 ar Matth. 23. *Magister vester unus*  
 uit *est Christus.*

Propositum practicum.

ro *Summo studio, quod monet*  
 rte *Thomas à Kempis l. 1. de imit. c. 1.*  
 mi *in vita Jesu Christi meditandi.*

MEDITATIO III.

bi *Vita Christi, regula Sacerdotis.*  
 iô *Induimini Dominum nostrum Je-*  
 Pa *sum Christum. Rom. 13.*

en **Punct. I.** Sacerdos sicut indu-  
 pri *it vestes Christi in Sacrificio ita*  
*debet in hoc & extra illud indu-*

ere vitam, id est mores, & virtutes Jesu Christi, ut juxta Apostolum. 2. Cor. 4. in ejus carne mortali, vita Christi manifestetur, verèq; dicat: *Vivo autem jam non ego, vivit verò in me Christus.* Ad Gal. 2.

*Punct. II.* Causa verò, cur Sacerdotes passim non exprimant vitam Christi, hæc est; quod secuti regulam alienam carnis mundi, peccati, sensus sermone & actus non dirigant secundum mensuram illius regulæ, quam mensus est illis DEUS. 2. Cor. 10. deflectentes, ut mali Tyrones, proposito sibi prorotypo.

*Punct. III.* Regula Christi, præmâ fronte amara, usu dulcescit

est enim jugum suave, & onus  
leue. Math. 11. & quicumq; hanc  
regulam secuti fuerint, pax super  
illos, & misericordia. Ad Gal. 6.

Propositum practicum.

Exemplo S. Caroli Borromai,  
quotidie legendi unum caput, è S.  
Evangelio, quod ille faciebat flexo  
genu; detecto capite;

MEDITATIO IV.

Perfecta administratio Sacra-  
mentorum.

Sic nos existimet homo, ut Mi-  
nistros Christi, & dispensatores  
mysteriorum DEI. Hic jam qua-  
ritur inter dispensatores, ut fidelis  
quis inveniatur. 1. ad Cor. 4.

Punct. 1. Dispensator fidelis in  
genere est, qui non mittit mar-

garitas ante porcos, nec dat san-  
ctum canibus Matth. 7. Qui vi-  
det Ministerium, quod accepit  
Domino, ut illud impleat. Coloss.  
4. Qui non est similis aquæ bap-  
tismi, peccata baptizatorum di-  
luenti, eosq; mittenti ad cæ-  
lum cum ipsa post in cloacam de-  
scendat. Greg. Hom. de cura Past.


*Punct. II.* Dispensator fidelis  
Eucharistiæ is est, qui linea va-  
sa, tabernacula, Domini cor-  
poris receptacula religiosè cu-  
stodit, qui ad sumptionem Eu-  
charistiæ parvulos capaces eru-  
dit, & præparat, adultos rude  
instruit; obliviosos commone-  
cit, tardos compellit, indigno  
repellit, neminem negligit.

*Punct.*

*punct. III.* Dispensator fidelis  
 pœnitentiæ est is, qui promptè  
 sedet pro tribunali dum reus a-  
 dest, pauper juxtà ac dives; qui  
 examinat, ponderat, judicat ex  
 æquo, qui non absolvit nisi di-  
 spositum; qui non dimittit, nisi  
 consiliò, vel cohortatione suâ  
 meliorem.

Propositum practicum.

*Reflectendi practicè ad hæc tria.*



# HEBDOMADÆ SANCTÆ.

*Dies VI.*

Virtutes internæ Sacerdotis  
 Decet nos ( Sacerdotes ) implere  
 omnem justitiam. Matth. 3.

C4

MEJ

## MEDITATIO III.

*De humilitate.*

*Discite à me, quia mitis sum, & humilis corde.* Matth. 11.

*punct. I.* Disce Sacerdos Christusophile, disce à Christo Sacerdote magno, imò maximo, sed in Eucharistia minimo, quam te docet, non tam verbo quàm opere, ex cathedra vilium specierum, virtutem profundissimæ humilitatis, & erubescere ad tuam intolerabilem arrogantiam.

*Punct. II.* Vilis hinc illi est habitatio, in sordidis sæpe tabernaculis, inter digitos impuri Sacerdotis, in corde subdito peccatis, cui cælum sedes est.

*Punct. III.* Pauper illi amictus nullus

nullus comitatus; & hinc fan-  
nis, & probris hæreticorum ex-  
ponitur.

O! IESU, quis sensus mihi sit  
hæc cogitanti, & inter pollutos  
digitos meos, in otiosa, detra-  
ctoria, maledica lingua, impu-  
ro corde, in cloaca sordium, in  
sentina scelerum, te contem-  
planti?

O mi magne Deus, da sensum  
aliquem similis humilitatis: da:  
ut cujus Majestatem non pos-  
sum assequi, saltèm imitari stu-  
deam humilitatem!

Da mihi teneros hujus virtutis  
affectus, quoties dico celebratu-  
rus: *Confiteor Deo*, quoties in-  
geminò: *Domine non sum dignus.*



*Nobis quoq; peccatorib; mea culpa!*

Da: ut non minùs corde, quam corpore me profundè abjiciam coram te, ùt magna, sed humilis Mater tua, magnus sed in oculis suis parv; JoaNES præcursor tuus.

Propositum practicum.

*Fiat! fiat! o Jesu fiat! Amen.*

## MEDITATIO II.

*De mansuetudine.*

*Fratres, etsi præoccupatus fuerit homo in aliquo delicto, vos qui spirituales estis, hujusmodi instruite in spiritu lenitatis, considerans te ipsum, &c. Ad Galat. 6.*

*punct. 1. Christus totus mitis in vultu, verbo, opere. Ex oculis elucet suaves benignitatis radij; ex ore dulcis spirat lenitatis favoni.*

vonius; in toto corpore agnus est, præsertim in Eucharistia; quid tu Sacerdos?

*Punct. II.* Et tamen hunc agnū toties attrectas, toties illo vesceris, cum hoc Agno habitas, pranderis, cœnas, ambulas, dormis? quidni Agnum tandem induis? manes usque modò, sicut leo in domo tua? Eccl. 4.

*Punct. III.* Pretiosior debet hæc virtus esse Sacerdoti, quàm ut verbo vel signo venalem habeat, nil lucraturus, postquam eam perdiderit; nisi animi inquietudinem, & DEI vindictam.

Propositum practicum.

*Petendi à Christo augmentum huius virtutis, dum dicis: Ecce Agnus Dei.*

Co

ME,

## MEDITATIO III.

*De obedientia.*

*Ministri ejus, qui facitis voluntatem ejus. Plal. 102.*

*punct. I. DEUS singulariter amat obedientiam, quam coronavit in Abrahamo, punivit vero tot jam sæculis in Adamo & posteris ejus, unius hominis inobedientiam: placere vis DEO? obedi. Melior est enim obedientia, quam victima. 1. Reg. 15.*

*Punct. II. Volens placet DEO. DEI Filius ab æterno, voluit in tempore obedire. Incapite Libri scriptum est de me, ut facerem voluntatem tuam DEUS meus voluit. Pl. 39. Ità Pater. Matth. 11. Meus sibiusest, ut faciam voluntatem ejus*

*ejus.* Ioan. 4. *Erat subditus illis.*  
 Luc. 2. DEUS, Dominus, creator;  
 hominibus : servis , creaturis,  
 admirare ! imitare.

*Punct.* III. obedientiam hanc  
 maximè patefacit in Ven. Eucha-  
 ristia, quando vocatus à Sacer-  
 dote adest toties, *obediente DEO*  
*voci hominis.* Jos. 10. ô prodigi-  
 um ! DEUS obedit hominī, & tu  
 homo non obedis DEO ? DEO,  
 cujus minister es ?

Propositum practicum.

*Obediendi simpliciter, sinè*  
*contradictione : promptè sinè*  
*dilatione, alacriter, sinè quæ-*  
*rela ; perseveranter, sinè tæ-*  
*dio.*

## MEDITATIO IV.

*De castitate.*

*Lavamini mundi estote.* Is. 1.  
*Mundamini, qui fertis vasa Do-*  
*mini.* Isa. 52.

*Punct. I.* Exigit hanc mundi-  
 tiem cordis & corporis à Sacer-  
 dote Christus, quia ipse virgo,  
 natus de Virgine, inter lilia, id  
 est, Virgineas mentes pascitur,  
 & in niveo specierum Eucharis-  
 ticarum throno requiescit; quan-  
 tus amator puritatis, tantus osor  
 omnis immunditiei, præsertim  
 in ministris suis.

*Punct. II.* Hi enim officio An-  
 geli sunt, & Angelorum Domi-  
 num manibus suis contrectant,  
 ô quàm puræ sint, oportet, hæ;

ma:


manus, hæc lingua, hoc cor, &c. Continebant se olim Sacerdotes legis antiquæ tempore vicis, quid non te deceat, Sacerdos Christiophore, dum non assistis, sed fers DEUM tuum?

*Punct. III.* Munditiem clamant pleriq; ritus, quos adhibes in Sacrificio 1. alba, quâ indueris, eaq; ex lino non lana, cujus radix caro est animalium, 2. cingulum, quo cingeris cum apta oratione. 3. lotio manuum, 4. priùs; quàm legas Evangelium, oratio. *Munda cor meum* &c. & si hoc requiritur ad dignam Evangelii lectionem, quid non ad Dominici corporis consecrationem, & confectionem?

Pro.

Propositum practicum.

*Cohibendi sensus externos, ut  
in animosis continens.*



# HEBDOMADÆ SANCTÆ.

*Dies VII.*

*Virtutes externæ Sacerdotis.*

*Luceat Lux vestra coram homi-  
nibus. Matth. 5.*

MEDITATIO I.

*De prudentia Sacerdotis  
in exterioribus.*

*Estote prudentes sicut serpentes.  
Matth. 10.*

*Punct. 1. Mittitur in medio lu-  
porum Sacerdos, quem inno-  
centiâ vitæ oportet esse ovicu-  
lam;*



Iam; sed quo modo evadet? prudentiâ opus est, non hujus mundi, hæc enim stultitia est coram Deo, quia finem non respicit, adeoque qui hanc sequuntur turpiter cadunt.

Punct. II. Prudentia Christi eadem est cum providentia oportet ergo Sacerdotem esse providum, cautum, circumspectum; & ut loquitur Michæas Propheeta, *Sollicitum ambulare cum DEO suo*. Michææ. 6. vadit enim in medio luporum, & latronum; *Thesaurum portans in vase fictili*. 2. Cor. 4.

Punct. III. Serpentes caput custodiunt, aures sepiunt, supra petram repunt, ita Sacerdos caput, hoc est principium agendorum  
custo-

custodiat, & ad DEUM referat; sit surdus, dum blanditur Caro; Petræ, hoc est Christo, innitatur: ut non vacillet in proposito.

Propositum practicum.

*Quidquid agas, finem respiciendi.*

MEDITATIO II.

*De Modestia Sacerdotis.*

*Modestia vestra nota sit omnibus hominibus. Phil. 4.*

Punct. I. Christus modestissimus Virginis filius nihil egit tumultuose, præproperè, perturbatè, clamosè; sed omnia ad leges modestiæ, etiam in conviviis, injuriis, &c. Sed ante omnia in convivio amoris, in ultima cæna, quando, *accepit panem in*  
*San-*

*Sanctas ac venerabiles manus suas, & elevatis oculis in cælum, gratias agens benedixit. Can. Miss. vide hic modestissimè composita omnia: manus, linguam, oculos, totum corpus! vide, vide vivum exemplar modestiæ Sacerdotalis.*

*Punct. II. Oportet, ut hanc Sacerdos in se ad vivum exprimat: quia Angelus est, quia spectaculum sit Angelis, quia lux est mundi, & Lucerna supra candelabrum posita. Matt. 5. Et præsertim in illo plusquam Angelico ministerio, quo & ipse panem accipit; & gratias agens benedicit.*

*Punct. III. Nugæ, inquit Bern.*  
*L. 2.*

L. 2. de conf. 15. inter sæculares nugæ sunt, in ore autem Sacerdotis blasphemiar.

Propositum practicum.

*Vitandi cachinnos, rixas, clamores &c. quæ non decent sanctos.*

MEDITATIO III.

*De charitate proximi activo.*

*Hoc est præceptum meum, ut diligatis invicem. Ioann. 51.*

Punct. 1. En hîc notam characteristicam, quâ te ipse discernas Sacerdos, discipulus Christi sis an non? si enim diligis, eris; se-  
cus, si non diligis; veritas dicit, aliter esse non potest; at quomodo tu diligis, quem non fers, quem ægre aspicias, cui vis, & dicis malè? non ita Christus.

Punct.

**Punct. II.** Probatio dilectionis, inquit M. Gregorius, *exhibitio est operis*; charitas oportet, ut sit activa, non otiosa; vivit in opere, non pascitur verbis, ait diligo; credo, si quod dicis facis; si non facis, mendax es, diligis, si adjuvas indigentem, si errantem erigis, si peccantem corrigis sed Spiritu lenitatis; ita Christus.

**Punct. III.** Proximus tuus vel est Sacerdos, ut tu. & est frater, & condiscipulus tuus; vel laicus est, & est filius spiritualis. 1. Cor. 4. *in Christo ego vos genui.* Sed & fratrem, & filium lex naturæ dicat diligendum. Fac ergo.

**Propositum practicum.**

*Diligendi proximum, ut te  
ipsum*

ipsum efficaciter, suaviter, fortiter;  
promiscue, bonos malos, amicos,  
inimicos, gratos, ingratos &c.

## MEDITATIO IV.

## De zelo animarum.

Ecce ego mittam multos venato-  
res & venabuntur eos, & pesca-  
tores multos & piscabuntur eos,  
Jerem. 16.

Punct. 1. Incredibilis Christi  
zelus patet in Evangeliiis, maxi-  
mè in convertendo Iuda, si vo-  
luisse; ad quem imitandum ob-  
ligatur Sacerdos Curatus; quia  
piscator, quia venator, quia pa-  
stor; Ergo piscator es? semper  
tibi pendeat hamus: venator es?  
semper tua retia pande, ut feram  
aliquam, id est efferatam ani-  
mam

er; mam capias ad pœnitentiam;  
 os, Pastor es? pascere commissum ti-  
 bi gregem? pascere verbo, exem-  
 plo, oratione; ut Christus.

*Punct. II.* Occasio, errat è tuis  
 oviculis, & hæret in bivio, à te  
 vult manuduci; cecidit, à te vult  
 erigi; caligat, à te lucem petit;  
 peccat, & à te vult corrigi; hæsi-  
 tat, & à te vult instrui; negligis  
 hoc? Pastor non es, sed idolum,  
 venator non es, sed persecutor  
 animarum; vigilas, sed in lucrum  
 tuum, non in illarum salutem:  
 aliter Christus, hunc imitare.

*Punct. III.* Motivum Jac. 5. qui  
 converti fecerit peccatorem ab er-  
 rore via sua, salvabit animam  
 ejus à morte, & operiet multitudi-  
 nem peccatorum. Fac ergo. Pro:



Propositum practicum: plus  
 instandi, arguendi, obsecrandi, tis.  
 increpandi cum omni patientia & unc  
 doctrina. Timoth. 4. 2. ja,

\*\*\*\*\*?\*\*\*\*\*qua

# HDBDOMADÆ

## SANCTÆ.

*Dies VIII.*

Virtutes Sacerdotis unitivæ dos  
 cum DEO. om

*Ego dilecto meo, & ad me con-* du  
*versio ejus.* Cant. 7. om

MEDITATIO I.

*De amore DEI.* qu  
den

*Simon diligis me plus his?* Ioan. 2. ign

*Punct. I.* Christus incredibili- inc  
 ter & ineffabiliter amavit, & amat  
 æternum Patrem, plus his, id est, qu  
 plus

ulus omnibus unversim San-  
 di, tis. Scintillam immensi hujus  
 amoris prodidit in ultima coe-  
 pa, quando elevatis oculis, ô  
 quanto affectu! ad te Deum Pat-  
 trem suum, tibi gratias agens,  
 &c. imitare, Sacerdos, quod  
 admiraris.

*Punct. II.* Quilibet enim Sacer-  
 dos obligatur ad DEUM super  
 omnia, & præ omnibus diligen-  
 dum, tum quia prior & præ  
 omnibus ab illo dilectus est; tum  
 quia quotidie versatur in ista ar-  
 dentissima fornace amoris ad  
 n. 2. ignem Eucharisticum, quo si non  
 bili incalescat, glacies, fit & saxum.

*Punct. III.* Vox amoris est,  
 est, quam usurpabat S. Franc. Sale-

D

fius:

fius: Omnia licent: dummodo  
non offendatur DEUS.

Propositum practicum.

*Hac erit deinceps agendi, et  
vivendi regula: Licent omnia  
sed cave, offendas Deum, super  
omnia dilectum.*

## MEDITATIO II.

*De zelo Divine Gloriæ.*

*Glorificate, & portate Deum in  
corpore vestro: 1. Cor. 6.*

*Punct. 1. Hoc admirabili zelo  
Christus incensus, ubiq; Patri  
gloriam propagabat: modò e  
nim ostendit illius magnificen  
tiam, simile est regnum calorum  
Regi, modò amorem, homo qui  
dam fecit cœnam magnam; mo  
dò iustitiam: redde rationem.  
modò*

modò misericordiam. *Homo*  
*quidam* descendit; modò excel-  
 lentiam, *Pater major me est*,  
 modò subjectionem suam, *Ità*  
*Pater!* sed hoc maximè in ulti-  
 ma cœna, in horto, in cruce, in  
 tota passione, cujus Memoriale  
 est Sacrificium Missæ.

*Punct. III. Tu verò ô homo Dei*  
 sic te compellat, quisquis Sacer-  
 dos es, Apostolus 1. *Tim. 2.* quo-  
 modo insistis vestigiis Sacerdotis  
 Magni, quomodo zelas pro  
 gloria ejus? tu, qui deputatus es  
 gloriæ illius propagandæ, qui  
 toties ingeminas: *Gloria in ex-*  
*celsis! &c. & omnis honor & glo-*  
*ria!*

*Punct. III. Elias fugam, per-*  
 D 2 sc.

secutionem, exilium, famam,  
sitim sustinuit, *Zelo zelatus pro*  
*Domino DEO.* 3. Reg. 19.

*Propositum pr ceticum.*

*imitandi hunc zelum, etiam*  
*cum damno propriæ commoditatis.*  
*N. N.*

### MEDITATIO III.

#### *De Actibus Religionis.*

*Adorate eum omnes Angeli ejus*  
*Psal. 96.*

*Punct. I. Religiosissimo cultu*  
*Christus jam conceptus, velut*  
*Sacrificium matutinum in ure-*  
*ro matris; jam natus & adultus*  
*in stabulo, in templo, in mon-*  
*tibus, in desertis tamquam di-*  
*urnum; moriens in cruce, ceu*  
*vespertinum Sacrificium* *se-*  
*ipsum*

ipsum obtulit æterno Patri, quâ  
 reverentiâ, nemo novit, nisi  
 qui noverat, quo cultu dignus  
 esset supremus omnium condi-  
 tor.

*Punct. II.* Confundamur o-  
 porret, proposito nobis cultu,  
 quem exhibebant Sacerdotes  
 antiquæ legis Arcæ, & Sanctua-  
 rio propter asservatas in eis ta-  
 bulas Moyſis, virgam Aaronis,  
 panes propositionis, &c. & hæ  
 quidam unbræ erant. & figuræ:  
 quid nos damus luci & verita-  
 ti? quid Ven: Eucharistiæ?  
 quid templis, quid aris, quid  
 tabernaculis?

*Punct. III.* Theologica, pal-  
 mam fert religio, quâ volu-

D 3 mus

mus DEO debitum cultum propter  
pter illius infinitam excellentiam.  
tiam. Sit ergo.

### Propositum practicum.

Iterandi actus religionis (cū genu  
flectis in Sacrificio, cū oscularis  
altare, cū caput inflectis) & cum his  
externis ritibus, jungendi actus  
internos.

#### MEDITATIO IV.

De unione Sacerdotis cum  
DEO, per conformitatem  
voluntatis.

Ut omnes unum sint, sicut tu  
Pater in me, & ego in te, ut & ipsi  
in nobis unum sint. Joa. 17. v. 21.

Punct. I. Hæc est affectuosissima  
piissimi JESU ad Patrem



propterea oratio, ut omnes discipuli,  
leni & inter se, & cum Patre con-  
cordes sint, & unanimes, hæc  
est ultima Christi morituri, &  
testantis voluntas, ut secum,  
cum Patre, & inter nos unum  
simus, quicumque Sacerdotes  
sumus.

*Punct. II.* Et est hæc quidem  
illius æquissima voluntas, & pe-  
titio: quod enim petit hoc su-  
um est & Patris, nostra scilicet  
voluntas, & cor nostrum. Ergo  
injustus es, si neges: dat tibi  
cor suum, & quidquid habet,  
& toties ergo ingratus es, si  
neges; ideo dat se tibi, ut tu  
les te illi, ergo stultus es, si ne-  
ges: cui enim reservas te? ti-  
bi?

bi? sed jam perdis: mundò? se? **P**  
 quo pretio? inani, vano, lud. **E**  
 cro, momentaneo Ergo da **m**  
**JESU** tuo: ipse petit, immittit **a**  
 es, si roganti neges id, quom  
 imperio extorquere potest. **m**

*Punct. III. Si credentium ergo*  
*inter se cor unum, & anima un*  
*Actor. 4. 32. Quomodo pot*  
 non esse unum cor tuum cu  
 corde JESU, una voluntas cu  
 voluntate illius, qui toties **fat**  
 per S. Communionem unitu  
 sed expectat à te liberum co  
 sensum, hunc quomodo neg  
 bis? Sponsus est, & tu Spon  
 indigna hoc nomine, si neg  
 non est communio, si non **S**  
 unio voluntatum reciproca. **Non**  
 ergo. **pro-**



te esse, si vis: eo sensu, quo Regius Vates quemlibet hominem cohortatur, ut immolet Deo sacrificium laudis. Psal. 49. Spectat igitur, & ad te, qui Christianus es, hæc commonitio Pauli. 2. Timoth: 1. *admoneo te, ut resuscites gratiam Dei, quæ est in te; Et ad te spectat hebdomas nostra sancta, quam sic lege, ut si Sanctus es, sanctificeris adhuc Apoc 22.*

II.



AC

A C C E S S U S

ET

R E C E S S U S

A L T A R I S

Adjunctis perpulchris  
precibus, ante & post Mis-  
sæ celebrationem, seu com-  
munionem.



A C C E S S U S

A L T A R I S.

✽. Domine labia mea aperies.

℞. Et os meum annuntiabit  
laudem tuam. ✽. Deus in ad-  
jutorium meum intende.

℞. Do-

**R.** Domine ad adjuvandum me  
festina.

Gloria Patri, & Filio, & Sp. S. &c

*Hymnus.*

**V**eni Creator Spiritus,  
Mentes tuorum visita,  
Imple supernâ gratiâ  
Quæ tu creâsti pectora,  
Qui diceris Paraclitus,  
Altissimi donum Dei,  
Fons vivus, ignis, charitas,  
Et Spiritalis unctio.

Tu septiformis munere,  
Digitus Paternæ dexteræ,  
Tu rite promissum Patris,  
Sermone ditans guttura.

Accende lumen sensibus,  
Infunde amorem cordibus,  
Infirma nostri corporis

Virg

Virtute firmans perpeti.

Hostem repellas longius,  
Pacemque dones protinus,  
Ductore sic te prævio  
Vitemus omne noxium.

per te sciamus, da, Patrem;  
Noscamus atque Filium,  
Teque utriusque Spiritum  
Credamus omni tempore.

DEO Patri sit gloria,  
Et Filio, qui à mortuis  
Surrexit, ac Paraclito,  
In sempiterna secula, Amen.

*Antiphona.*

**N**E reminiscaris, Domine;  
delicta nostra, vel paren-  
tum nostrorū, neque vin-  
dictam sumas de peccatis nostris.

E

psal:



## Psalmus. 83.

**Q**UAM dilecta tabernacula  
tua, Domine virtutum:  
concupiscit & deficit ani-  
ma mea in atria Domini.

Cor meum & caro mea ex-  
ultaverunt in Deum vivum.

Etenim passer invenit sibi  
domum: & turtur nidum sibi,  
ubi ponat pullos suos.

Altaria tua Domine virtutum:  
Rex meus & Deus meus.

Beati, qui habitant in domo  
tua, Domine: in secula seculi  
eorum laudabunt te.

Beatus vir, cujus est auxilium  
abs te: ascensiones in corde suo  
disposuit in valle lachrymarum,  
in loco, quem posuit.

Ete

Etenim benedictionem dabit  
legislator, ibunt de virtute in  
virtutem: videbitur Deus Deo-  
rum in Sion.

Domine Deus virtutum ex-  
audi orationem meam: auribus  
percipe Deus Jacob.

Protestor noster aspice Deus:  
& respice in faciem Christi tui.

Quia melior est dies una in  
atriis tuis: super millia.

Elegi abjectus esse in domo  
Dei mei: magis quàm habitare in  
tabernaculis peccatorum.

Quia misericordiam, & ve-  
ritatem diligit Deus: gratiam,  
& gloriam dabit Dominus.

Non privabit bonis eos, qui  
ambulant in innocentia: Domine

virtutum, beatus homo, qui  
sperat in te.

Gloria patri, & Filio, &c. in t

*Psalmus 84.*

**B**enedixisti Domine terram  
tuam, avertisti captivitatem  
tuam Jacob.

Remisisti iniquitatem plebi Do-  
minæ: operuisti omnia peccata  
eorum.

Mitigasti omnem iram tuam  
avertisti ab ira indignationis tuæ.

Converte nos Deus, salutaris  
noster: & averte iram tuam  
nobis.

Nunquid in æternum irasce-  
ris nobis? aut extends iram  
tuam à generatione in genera-  
tionem.

Deus

qui Deus, tu conversus vivifica-  
bis nos; & plebs tua lætabitur  
in te.

Ostende nobis Domine, mi-  
sericordiam tuam: & salutare  
vivitarum da nobis.

Audiam quid loquatur in me  
Dominus Deus: quoniam lo-  
quetur pacem in plebem suam.

Et super Sanctos suos: & ad  
eos, qui convertuntur ad cor.  
Verumtamen prope timentes  
eum salutare ipsius; ut inhabitet  
gloria in terra nostra.

Misericordia, & veritas ob-  
viaverunt sibi: Justitia, & Pax  
osculatæ sunt.

Veritas de terra orta est: &  
justitia de cælo prospexit.

Etenim Dominus dabit  
 nignitatem: & terra nostra  
 bit fructum suum.

Iustitia ante eum ambulat  
 & ponet in via gressus suos.

Gloria Patri, & Filio, &c.

*Psalmus 85.*

**I**ncлина Domine aurem tuam  
 & exaudi me: quoniam  
 ops, & pauper sum ego.

Custodi animam meam, quoniam  
 niam sanctus sum: saluum  
 servum tuum, Deus meus, sperantem in te.

Miserere mei Domine, quoniam  
 niam ad te clamavi tota die:  
 ifica animam servi tui, quoniam  
 am ad te Domine, animam meam  
 am levavi.

Quor

Quoniam tu domine suavis  
& mitis, & multæ misericordiæ  
omnibus invocantibus te.

Auribus percipe domine orationem meam: & intende voci deprecationis meæ.

In die tribulationis meæ clamavi ad te: quia exaudisti me.

Non est similis tui in diis domine: & non est secundum opera tua.

Omnes gentes quascunque fecisti, venient, & adorabunt coram te domine: & glorificabunt nomen tuum.

Quoniam magnus es tu, & faciens mirabilia: tu es deus solus.

deduc me, domine, in via

E 4 tua,

tua, & ingrediar in veritate tu-  
latetur cor meum, ut timea  
nomen tuum.

Confitebor tibi, domine  
deus meus, in toto corde meo  
& glorificabo nomen tuum in  
æternum.

Quia misericordia tua magna  
est super me: & eruisti animam  
meam ex inferno inferiori.

Deus iniqui insurrexerunt su-  
per me, & synagoga potentium  
quæsierunt animam meam, &  
non proposuerunt te in conspe-  
ctu suo.

Et tu domine deus, misera-  
tor & misericors, patiens, multæ  
misericordiæ, & verax.

Respice in me, & miserere  
mei,

mel, da imperium tuum puero  
tuo: & saluum fac filium ancillæ  
tuæ.

Fac mecum signum in bo-  
num, ut videant, qui oderunt  
me, & confundantur: quoniam  
tu Domine adiuuisti me, & con-  
solatus es me.

Gloria patri, & Filio, &c.

*Psalms 115.*

**C**Redidi, propter quod lo-  
cutus sum: ego autem hu-  
miliatus sum nimis.

Ego dixi in excessu meo: o-  
mnis homo mendax.

Qui retribuam Domino, pro  
omnibus, quæ retribuit mihi.

Calicem salutaris accipiam:

E s

&



& nomen Domini invocabo:

Vota mea Domino reddam  
coram omni populo ejus: Pre-  
tiosa in conspectu Domini mors  
Sanctorum ejus.

O Domine, quia ego servus  
tuus: Ego servus tuus, & filius  
ancillæ tuæ.

Dirupisti vincula mea: tibi  
sacrificabo hostiam laudis, &  
nomen Domini invocabo.

Vota mea Domino reddam  
in conspectu omnis populi ejus:  
in atriis domûs Domini, in me-  
dio tui Jerusalem. Gloria &c.

*Psalmus 129.*

**D**E profundis clamavi ad  
te Domine: Domine ex-  
audi vocem meam.

Fiant

Fiant aures tuæ intendentess:  
in vocem deprecationis meæ.

Si iniquitates observaveris  
Domine: domine quis sustine-  
bit ?

Quia apud te propitiatio est ;  
& propter legem tuam sustinuit  
te, domine.

Sustinuit anima mea in ver-  
bo ejus, speravit anima mea in  
domino.

A custodia matutina usque  
ad noctem, speret Israël in do-  
mino.

Quia apud dominum miseri-  
cordia, & copiosa apud eum  
redemptio.

Et ipse redimet Israël, ex o-  
mnibus iniquitatibus ejus.

Gloria Patri, & Filio, &c.

*Antiphona.*

**N**E reminiscaris domine  
delicta nostra, vel paren-  
tum nostrorum, neque  
vindictam sumas de peccatis no-  
stris. Kyrie eleison. Christe elei-  
son. Kyrie eleison. Pater noster.  
✠. Et nē nos inducas intentationem. R. Sed libera nos à  
malo. ✠. Ego dixi, domine  
miserere mei. R. Sana animam  
meam, quia peccavi tibi.  
✠. Convertere domine aliquan-  
tulum. R. Et deprecare super  
servos tuos. ✠. Fiat misericor-  
dia tua domine super nos. R.  
Quemadmodum speravimus in  
re. ✠. Sacerdotes tui induantur  
justitiam, R.

R. Et Sancti tui exultent. V. Ab occultis meis munda me Domine.

R. Et ab alienis parce servo tuo. V. Domine exaudi orationem meam. R. Et clamor meus ad te veniat.

## Oremus.

**A**ures tuæ pietatis, mitissime Deus, inclina precibus nostris, & gratiâ sancti Spiritûs illumina cor nostrum: ut tuis, mysteriis dignè ministrare, & æterna charitate diligere mereamur.

**D**eus, cui omne cor patet, & omnis voluntas loquitur, & quem nullum latet secretum, purifica per infusionem S. Spiritûs cogitationes cordis nostri.

nostri: ut te perfecte diligere;  
& dignè laudare mereamur.

**U** Re igne sancti Spiritûs re-  
nes nostros, & cor no-  
strum, Domine: ut tibi ca-  
sto corpore serviamus, & mun-  
do corde placeamus.

**M** Entes nostras, quæsumus  
Domine, Paraclitus, qui  
à te procedit, illuminet,  
& inducat in omnem, sicut ta-  
us promisit filius, veritatem.

**A** Asit nobis, quæsumus Do-  
mine, virtus Spiritûs sancti,  
qui quæ & corda nostra  
clementer expurget, & ab omni-  
bus tueatur adversis.

**D** Eus, qui corda fidelium  
sancti Spiritûs illustratio:

ne docuisti: da nobis in eodem Spiritu recta sapere, & de ejus semper consolatione gaudere.

**C**onscientias nostras, quaesumus domine, visitando purifica; ut veniens dominus noster Jesus Christus filius tuus, paratam sibi in nobis inveniat mansionem. Qui tecum vivit & regnat in unitate Spiritûs Sancti deus, per omnia sæcula sæculorum, Amen.

*Orationes ante Missam cum  
Actibus Contritionis.*

**O** Benignissime Creator cœli, & terræ, domine deus meus, ecce in conspectu divinæ Majestatis tuæ, & totius curiæ cœlestis, ego indignus  
pec

peccator confundor, ac erubescō, de omnibus peccatis meis, quibus te deum meum omnipotentem, justum, & misericordem, toties ad iram concitavi: ideo ex intimis cordis mei visceribus pœnitet me, & doleo vehementissimè de omnibus delictis meis, cogitatione, verbo, & opere commissis, ab illo instanti, quo primùm peccare potui, usque in præsentem diem.

doleo etiam dulcissime Iesu, quòd te tam benignum, & misericordem Patrem, & Redemptorem meum ausus fuerim tot enormibus culpis offendere, qui usque adeò me dilexisti, ut præ-

tio:

tiolissimum sanguinem pro me  
effunderes, & mortem ignomi-  
niosissimam sustineres. Ah uti-  
nam ô infinita bonitas! te nun-  
quam offendissem, quem ex in-  
timis animæ medullis, super o-  
mnia intensissimè diligo, & in  
vicem imperfecti doloris offero  
tibi omnium creaturarum pos-  
sibilium possibili affectu amo-  
rosissimam illam contritionem,  
quâ tua peccata deflevit S. Pro-  
pheta david, S. Apostolus Pe-  
trus, S. Maria Magdalena, cum  
cæteris omnibus verè pœniten-  
tibus, qui unquam à primordio  
fuerunt, sunt, & erunt usque ad  
consummationem sæculi; &  
firmissimè statuo, divinâ tuâ o-  
pitu-



pitulante gratiâ, in qua omnem  
fiduciam meam colloco, nul-  
lum unquam amplius admitte-  
re peccatum, & proximâ vice  
purè, syncerè, confiteri; omni-  
bus etiam qui me unquam of-  
fenderunt, tui amore libentissi-  
mè ignosco.

*Actus Satisfactionis.*

**E**T quia, ô Domine Deus  
meus! ex viribus naturæ  
pro peccatis meis satisfacere  
nequeo; hinc offero totam vi-  
tam meam, universas actiones,  
& labores meos, & quidquid  
tandem adversi perpessus fue-  
ro idq; in unione sacratissimæ  
Passionis, & amarissimæ mortis  
tuæ, Beatissimæ Virginis Ma-  
tris

tris quæ MARIE, omniumque  
Sanctorum, humillimè depre-  
cans peccatorum meorum ve-  
niam, & ante extremum mor-  
tis articulum veram, & perfe-  
ctam pœnitentiam, Amen.

*Actus solidæ contritionis.*

**I**Taque miserere mei DEUS,  
miserere mei; & ignosce mi-  
hi. Miserere mei secundum  
magnam misericordiam tuam, &  
secundum multitudinem mise-  
rationum tuarum dele iniqui-  
tatem meam. O Domine Deus  
meus, doleo quòd te summum  
benefactorem meum, fontem  
omnium bonorum meorum,  
qui me ex nihilo condidisti, qui  
me ad imaginem & similitudi-  
nem

nem tuam formâsti, qui me ad  
communione[m] gloriæ tuæ, o-  
mniumque bonorum & gau-  
diorum fecisti, qui me perdi-  
tum ab æterna morte eripuisti,  
& rursus ad æternam vitam de-  
stinâsti, qui meâ causâ homo  
factus, in carne mortali tot la-  
bores & dolores, tot acerbita-  
tes & indignitates, tot probra  
& contumelias, tot tormenta  
& vulnera, crucem denique &  
mortem ipsam pro me sustinui-  
sti. Doleo, inquam, quòd te  
toties offenderim, & contem-  
pserim, tua præcepta sanctissi-  
mâ nihil æstimando & violan-  
do: quòd toties pro infinitis be-  
neficis infinitam ingratitudinem

&amp;

& injuriam rependerim. Ob hanc causam doleo ex animo, doleo intimis sensibus, & opto mihi dolorem & detestationem millies majorem, cumque millies & millies, humillimè & ex mero amore tui, à te flagito. Miserere mei Deus meus; miserere mei, & ignosce mihi, quia tu Deus meus es, quia tu sum. mum bonum meum es. Miserere mei, creaturæ tuæ, vilis, abjectæ, & indignæ. Miserere miserere, ah miserere!

*Alia Oratio.*

**A** Cerbissimam passionē tuā am, Domine Iesu Christe mortis angustiam mœstitiā, tædium & pavorem, guttas sangui-

sanguinei sudoris, probra, sputa,  
colaphos, vincula, flagella con-  
tumelias, spineam coronam,  
crucem, clavos, fel, acerum &  
lanceam. quibus usque ad mor-  
tem justus pro injustis, inno-  
center & crudeliter afflictus es,  
ad mentem revocans: doloroso  
tibi corde conspati gestio; &  
ejusdem passionis tuæ memo-  
riam factururus in conficiendo,  
tractando, & accipiendo sacra-  
tissimo tui pretiosi corporis &  
sanguinis Sacramento, vereor  
nè in judicium mihi, & conde-  
mnationem, ad Sancta Sancto-  
rum accedam: quod si præter-  
misero, & Sacerdotali officio  
non satisfecero, timeo, nè ex  
in

inobedientia negligentiaq; com-  
denner. Quia igitur te à pec-  
catoribus exorari, tibi que con-  
triti cordis sacrificium offerri  
præcipis, ignosce precor pec-  
canti, parce confitenti, miserere  
roganti. Et da mihi spiritum  
contribulatum, quem tibi gra-  
tum Sacrificium revelasti, ut eo  
purificatus, non solum Sacra-  
mentum, sed etiam virtutem  
Sacramenti suscipere merear: quæ  
omnia peccata mea deleat: &  
ea deinceps vitandi remedium  
præstet. Mihiq; & omnibus  
fidelibus, vivis & defunctis, pro  
quibus illud offerre aggredior,  
in remissionem peccatorum &  
vitam proficiat sempiternam,  
Amen.

Ora:

## Oratio devotissima.

*Dicenda à Sacerdote ante vel  
post Missam.*

**P**ater cœlestis, clementissime  
me Domine, Pater miser  
cordiarum: Suscipe per ma  
nus servi tui hoc sacro sanctum  
Sacrificium, verum corpus & san  
guinem unigeniti filii tui Domini adju  
ni nostri Jesu Christi in satisfacti  
onem, & remissionem omni  
um peccatorum meorum in salutem,  
& fortitudinem animæ meæ,  
totius domûs meæ, & omnium  
eorum illorum, quibus aliqua  
obligatione teneor, & omnium  
Dominorum, Prælatorum, Præ  
dicatorum, Sacerdotum, &  
Religiosorum Catholicæ fidei

ut eis gratiam Spiritûs sancti  
impertiri digneris ad salutem  
animarum suarum, & regimen  
totius populi Christiani; & o-  
mnium peccatorum hujus mun-  
di, ut eos convertas, & ducas ad  
vitam salutis, in consolationem  
omnium tribulatorum, ut eis  
adjutorium, & veram patienti-  
am tribuas; in refrigerium, &  
liberationem omnium animarum  
existentium in Purgatorio &  
maximè illarum, quæ auxilium  
à me jure expectant; ad illumi-  
nationem & conversionem o-  
mnium infidelium, hæreticorum,  
& Schismaticorum, ut cogno-  
scant, & ament te, summam  
veritatem, Patrem Omnipoten-



tem, qui cum Filio, & Spiritu  
 Sancto es laudabilis DEUS, &  
 benedictus in sæcula sæculorum,  
 Amen.

Intentio Sacerdotis  
 celebraturi.

GREGORIUS XIII. PONT.  
 MAX. Concessit cuilibet dicenti  
 quæ sequuntur, quinquaginta  
 Annorum Indulgentias.

E Go volo celebrare Missam &  
 conficere Corpus, & San-  
 guinem Domini nostri IESU  
 Christi, juxta ritum sanctæ Ro-  
 manæ Ecclesiæ, ad laudem O-  
 mnipotentis Dei, totiusque Cu-  
 riæ triumphantis; ad utilitatem  
 meam totiusque Curie militan-  
 tis.

tu' tis pro omnibus, qui se com-  
 & mendaverunt orationibus meis  
 n, in genere, & in specie; & pro  
 felici statu Sanctæ Romanæ Ec-  
 clesiæ, Amen.

T. **G** Audium cum pace, emen-  
 ti dationem vitæ, spatium veræ  
 ti pœnitentiæ, gratiam & conso-  
 lationem Sancti Spiritûs, perse-  
 & verantiam in bonis operibus,  
 n, tribuat nobis Omnipotens, &  
 U misericors Dominus, Amen.

*Alia recta Intentio Sacerdo-  
 tis celebraturi.*

O. **A** D laudem & gloriam Sacto-  
 O. sanctæ & adorandæ Trini-  
 u. tatis, in memoriam vitæ, passi-  
 m onis, ac mortis, Salvatoris mei  
 ran IESU Christi; & in honorem

Dominæ meæ, DEI Genitricis MARIE, cœlestium Spirituum, & omnium Sanctorum Sanctarumque, beatè cum DEO regnantium, ac signanter Sancti N. N. (*cujus memoriam hodie agimus*) cum omnibus Angelorum, & Sanctorum laudibus, ac meritis, offero tibi, DEUS meus, hoc præsens, & omnia alia Sacrificia, orationes, & bona opera totius mundi: pro meis præsentibus & futuris animæ & corporis, necessitatibus; in remissionem peccatorum meorum, quorum veram semper contritionem habere intendendo, conor & cupio; omniumque vivorum, & defunctorum

rum

rum, meorum parentum, &  
consanguineorum, amicorum,  
inimicorum, benefactorum in  
Spiritualibus, & temporalibus,  
ac illorum, quibus aliquando  
fueram gravamen, scandalum,  
& occasio peccandi; pro omni  
gradu Catholicæ Ecclesiæ ac il-  
lius conservatione, augmento,  
& exaltatione; Christianorum  
Principum unione, hæresum  
extirpatione, summi Pontificis  
salute, & animarum in putga-  
torio existentium liberatione:  
pro conservatione & incre-  
mento omnium Religionum,  
pro conversione omnium infi-  
delium; pro mihi commissis, &  
commendatis denique; pro il-

lis omnibus vivis & defunctis  
 pro quibus Dominus noster IESUS  
 CHRISTUS, & ejus Mater vo-  
 lunt me orare, & sacrificare. Si-  
 oro, obsecro, ac orare, obsecra-  
 re, intendo, ac propono juxta  
 intentionem Sanctæ Catholice  
 Ecclesiæ, Ego N. minister li-  
 cèt indignus: in nomine Pa-  
 tris, & Filij, & Spiritûs Sancti,  
 Amen.

*Oratio ante Missam.*

**D**EUS, qui de indignis dignos-  
 facis, & de peccatoribus  
 justos, & de immundis mun-  
 dos: munda cor, & corpus me-  
 um ab omni cogitatione, & sorde  
 peccati, & fac me dignum San-  
 ctis Altaribus tuis ministrum:

con:

*Altaris.*

9

concede propitius, ut in hoc  
Altari, ad quod indignus acce-  
do, hostias acceptabiles, atque  
placabiles offeram pietati tuæ  
pro peccatis, & offensionibus  
innumeris & quotidianis ex-  
cessibus meis, atque cuncto-  
rum simul Christianorum culpa  
abluendis; & per eum sit tibi  
votum meum acceptabile, quod  
se tibi DEO Patri pro nobis  
obtulit Sacrificium. Qui tecum  
vivit & regnat in unitate Spiritus  
Sancti DEUS, &c.

*Alia Oratio.*

**O**bsacro te dulcissime IESU  
Christe, ut passio tua sit  
mihî virtus, quâ muniar, pro-  
tegar, atque defender; vulnera

tua

tua sint mihi cibus, & potus,  
 quibus pascar, enutriar, atque  
 delecter; aspersio Sanguinis tui  
 sit mihi ablutio omnium pecca-  
 torum meorum: Mors tua sit  
 mihi vita indeficiens: Crux tua  
 sit mihi gloria sempiterna, re-  
 surrectio & auxilium, sanitas &  
 gaudium, desiderium & solatium  
 cordis mei nunc & in perpetu-  
 um. Qui vivis & regnas, &c.

*Oratio S. Martini Papæ,  
 ante Missam.*

**O** Domine JESU Christe Fili-  
 DEI vivi, miserere mihi  
 misero peccatori, & omnibus  
 servistuis, qui tibi hodie Sacra-  
 tissimum ac pretiosissimum sa-  
 lutis

us, lutis nostræ pretium, pretiosi vi-  
que delictet Corporis & Sanguinis tui  
tut offerunt Sacramentum: da no-  
cca. bis gratiam, virtutem, & forti-  
fit tudinem immolandi, offeren-  
tua di, ac sumendi hoc Sacrosan-  
re ctum Corpus & Sanguinem tu-  
s & um in fide recta, Ipe firma, &  
ium charitate perfecta, cum aug-  
etu mento humilitatis & patientiæ,  
&c. obedienciæ, castitatis ac totius  
Sanctitatis: In honorem & lau-  
dem Sanctæ & individuæ Trini-  
tatis, Beatissimæque Virginis  
Filii MARIÆ: In gaudio Sanctorum  
mibi Archangelorum & Angelorum,  
ibus Patriarcharum, Prophetarum,  
acra Apostolorum, Martyrum, Con-  
in sa fessorum, Virginum, & omni-  
is um



um Sanctorum atque Electo-  
 rum tuorum jam in æterna felicitate  
 lætantium : & præsta dulce  
 ut sicut illos jam pleno & sereno  
 splendore vultus tui sine defectu  
 festu satias : sic nos degentes in  
 hac miseria, tuâ gratiâ reficias : car-  
 eos, qui in pœnis sunt purgato-  
 rii, ac ibi æstuant, tuâ misericordiâ  
 diâ eripias ; & sicut es illis in  
 gaudium, sic nobis hujus vite  
 lis Sacramenti perceptio sit in  
 subsidium, & his qui in pœnare  
 sunt, in refrigerium. Misereris  
 igitur clemētissime Domine Iesus  
 Christe, per hujus vivifici Sacra-  
 menti virtutem, Sanctæ & unper-  
 versali Ecclesiæ ; & omnia malitia  
 scilicet hæreses, discordias, diabolica  
 sen,

otoensionesq; ab ea tolle, & evelle,  
a feerrantes in illa corrige, incre-  
sta dulos ad fidem converte, Schis-  
eremaricos ad unitatem Sanctæ  
de Ecclesiæ fac redire, & ipsis lu-  
es imen tuæ veritatis ostende, pec-  
clastatoribus veram pœnitentiam  
gato largire, justos in bono suo pro-  
icorposito fac perseverare, populo  
is in Christiano miserere, clérum de-  
viti sende, Religiosos in servitio tuo  
it i Sancto conserva; tristes conso-  
cenilare, infirmis sanitatem corpo-  
erentis & animæ restitue, pauperi-  
lesbus ac egentibus omnia corpo-  
acraîs & animæ necessaria tribue,  
umperegrinos & exules cum sa-  
malute ad propria fac remeare,  
, diu periculis aquarum positos ad  
por-

portum tuæ voluntatis fac perficere:  
tingere: in vinculis & carceribus  
detentos fac solvi. Omnes  
bus cum quibus peccavimus ad  
vel quos ad peccandum induxi  
mus, & nobis, misericors Pater  
indulge; omnibus quos conturb  
bavimus, læsimus, scandalizati  
vimus, vel defraudavimus, tu  
gratiose Creator persolve, oho  
mnibus Parentibus, amicis, inimic  
cis, confratribus & consanguine  
is, familiaribus & benefactorib  
ribus, & quorum utimur vel usche  
sumus eleemosynis, omnibus  
que pro nobis DEUM exorant  
tibus, vel orationibus nostris su  
commendantibus, omnia bona  
retribue, & eos ab omni malo  
der.

perdesende, in tuòque eos servitio  
erisac perseverare usque in finem.  
nisi post hujus cursum miseræ  
us ad te, quies vera Patriæ merces,  
uxipræmium æternum, & gloria,  
ateta pervenire. In tribulationi-  
turbus, & persecutionibus & ten-  
lizationibus ad te clamantibus  
tu auxiliare, in agone positis de  
hoc quoq; sæculo exituris suc-  
imicurre, & animas eorum à fauci-  
guibus rurgentis inimici eripe. In-  
ctomicis nostris & nobis, veram  
elufcharitatem largire, omnibusq;  
bustuis fidelibus per hujus Sacra-  
oramenti virtutem præsta subsidii  
ris sum, auxilium & consolationem.  
bon Adhuc in carne præsentibus tu-  
malam gloriam largiendo, futuris

tua media; præveniendō; præpla-  
teritis verò omnibus æternam  
requiẽm tribuendō, DEUS, quia  
es trinus & unus per cuncta sæ-  
culorum sæcula benedictus  
Amen.

Intentio Sacerdotis.

*Dum stat in medio Altaris*

*Missam jamjam inchoa-*

*turus.*

**O** Infinita DEI Majestas! quia  
indignissimus peccator tuum  
mendum hoc Sacrificium Cre-  
poris & Sanguinis Domini Mar-  
stri JESU Christi offerre, res  
bique supremo vitæ ac ne-  
Domino, hostiam infiniti va-  
ris immolando, infinitam cor-  
pla A

proplacenciam causare, omnibus  
servantibus nunc intendo, ad omnes  
SS, quas, quas unquam feci, aut fa-  
cta scire possum, intentiones: illas  
præsertim septem, quas in ora-  
tione Dominica Filius tuus nos  
docuit. Adjuvame, DEUS me-  
us, in hac hora, dignumq; Alta-  
ribus tuis fac ministrum. Tūque  
ô dulcissima DEI Mater, assiste  
mihi nunc, & Filium tuum, ut  
quæcumque mecum æterno Patri offer,  
quemadmodum stans sub Cru-  
ce obtulisti. Sed & vos, ô SS.  
Angeli, qui hanc aram tremen-  
tes circumstatis, Seraphicis ve-  
stris laudibus & adorationibus  
vaporem meum accendite, ve-  
stramque devotionem impetrate;  
*Amen.* *G 2* *In;*

*Intentio five Memoria vivorum  
vorum facienda.*

**M**ei, Parentum, Superiorum,  
Fratrum, Sororum, Con-  
sanguineorum, & Amicorum  
meorum.

Omnia, quibus fui gravi-  
men, scandalum, occasio pec-  
candi.

Omnia benefactorum meo-  
rum in Spiritualibus, & tempo-  
ralibus.

Omnia mihi commissio-  
rum, in genere, & in specie.

Omnia Sacerdotum, &  
ministorum Ecclesie Catho-  
licae.

Omnia

Omnia inimicorum meo-  
rum, ad dimissionem.

Omnia hæreticorum, &  
Infidelium, ad conversionem.

Omnia pro quibus scis, &  
vis me debere orare.

## MEMORIA

*Mortuorum facienda.*

**A** Nimarum Parentum, Su-  
periorum, Fratrum, Soro-  
rum, & Consanguineorum, ami-  
corumque memor.

Animarum, quæ occasione  
mei purgantur in purgatorio.

Animarum, omnium benefa-  
ctorum meorum in Spiritualibus,  
& in temporalibus.

Animarum omnium mihi

G 3 com-




commissarum in genere, & in  
specie.

Animarum omnium Sacer-  
dotum, & Ministrorum Ecclesie  
Catholice.

Animarum morte improvise  
corpore exutarum.

Animarum, quarum non est  
specialis memoria.

Animarum miserrimè existen-  
tium in purgatorio, & omnium  
pro quibus scis, & vis me  
debere orare.



RE-

& R E C E S S U S  
A L T A R I S

*Antiphona.*

**T**rium puerorum cantemus  
hymnum: quem cantabant  
Sancti in camino ignis benedi-  
centes Dominum.

*Canticum trium puerorum.*

**B**enedicite omnia opera Do-  
mini Domino; laudate &  
superexaltate eum in sæcula.

Benedicite Angeli Domini;  
Domino: benedicite cœli Do-  
mino.

Benedicite aquæ omnes, quæ  
super cœlos sunt, Domino: be-  
nedicite omnes virtutes Domini  
Domino.

G 4

Be:

Benedicite Sol & Luna Domino: Benedicite stellæ cœli Domino.

Benedicite omnis imber & rores Domino: benedicite omnes spiritus DEI Domino.

Benedicite ignis & æstus Domino: benedicite frigus & æstus Domino.

Benedicite rores & pruina Domino: benedicite gelu & frigus Domino.

Benedicite glacies & nives Domino: benedicite noctes & dies Domino.

Benedicite lux & tenebræ Domino: benedicite fulgura & nubes Domino.

Benedicat terra Dominum:  
lau-

*Do* laudet & superexaltet eum in  
*cœl* sæcula.

*er* Benedicite montes & colles  
*Domino* : benedicite universa  
*mn* germinantia in terra *Domino*.

*Do* Benedicite fontes *Domino* :  
*æstu* benedicite maria & flumina  
*Comino*.

*uina* Benedicite cete, & omnia,  
*&* quæ moventur in aquis, *Domino* :  
*nives* benedicite omnes volucres  
*s &* cœli *Domino*.

*es &* Benedicite omnes bestię, &  
*ebra* pecora *Domino* : benedicite filii  
*ra &* hominum *Domino*.

*m :* Benedicat Israël *Domino* :  
*7* laudet & superexaltet eum in  
sæcula.

Benedicite Sacerdotes *Domini*  
G 5 mini

mini Domino: benedicite servo  
Domini Domino.

Benedicite spiritus & anima  
iustorum Domino: benedicite  
sancti & humiles corde Domi  
no.

Benedicite Anania, Azaria  
Misaël Domino; laudate & su  
perexaltate eum in sæcula.

Benedicamus Patrem & Fili  
um cum Sancto Spiritu: laude  
mus & superexaltemus eum in  
sæcula.

Benedictus es Domine in fir  
mamento cæli: & laudabilis &  
gloriosus, & superexaltatus in  
sæcula.

*Psalmus 115.*

**L**audate Dominum in Sanctis

servetis ejus, laudate eum in firmamento virtutis ejus.

Laudate eum in virtutibus ejus: laudate eum secundum multitudinem magnitudinis ejus.

Laudate eum in sono tubæ: laudate eum in Psalterio & cithara.

Laudate eum in tympano & choro: laudate eum in chordis & organo.

Laudate eum in cymbalis benesonantibus, laudate eum in cymbalis jubilationis: omnis spiritus laudet Dominum.

Gloria Patri, & Filio, &c.

*Canticum Simeonis.*

**N**unc dimittis servum tuum

G 6

Do

Domine: secundum verbum tuum  
in pace,

Quia viderunt oculi mei: salutare  
tuum.

Quod parasti: ante faciem  
omnium populorum.

Lumen ad revelationem gentium:  
& gloriam plebis tuæ  
Israël.

Gloria Patri, & Filio, &c.

*Deinde repetitur Antiphona.*

**T**rium puerorum canemus  
hymnum: quem cantabant  
Sancti in camino ignis, benedictes  
Dominum.

Kyrie eleison. Christe eleison.  
Kyrie eleison. Pater noster.

✠. Et nē nos inducas in  
tentationem. ✠. Sed libera nos a

malo. ✠. Confiteantur tibi Do-  
 mine omnia opera tua. R. Et  
 Sancti tui benedicant tibi. ✠.  
 Exultabunt Sancti in gloria. R.  
 Lxtabuntur in cubilibus suis. ✠.  
 Non nobis Domine, non no-  
 bis. R. Sed Nomini tuo da glo-  
 riam. ✠. Domine exaudi ora-  
 tionem meam. R. Et clamor  
 meus ad te veniat. ✠. Dominus  
 vobiscum. R. Et cum Spiritu  
 tuo.

## Oremus.

DEUS, qui tribus pueris mi-  
 rigâsti flammâ ignium:  
 concede propitiis, ut nos fa-  
 mulos tuos non exurat flamma  
 vitiorum.

A Ctiões nostras, quæsumus  
 Domi-



Domine, aspirando praeveni, & in  
adjuvando proseguere, ut cum sa-  
cra nostra oratio, & operatio a quo-  
te semper incipiat, & per te coe-  
pta finiatur.

**D**A nobis quæsumus Domi-  
ne, vitiorum nostrorum  
flammas extinguere: qui Beato  
Laurentio Martyri tuo, tribui-  
sti tormentorum suorum incen-  
dia superare. Per Christum Do-  
minum nostrum, Amen.

*Oratio post Missam.*

**O**Mnipotens sempiterne De-  
us, conservator animarum,  
mundique Redemptor, me fac-  
tulum tuum ante Majestatem  
tuam prostratum benignissime  
respice, & Sacrificium, quod  
in

, & in honorem Nominis tui pro  
salute fidelium tam vivorum,  
quàm defunctorum: itémque  
pro peccatis, & offensionibus  
meis obruli, pijsimè respice,  
iram tuam à me remove, grati-  
am & misericordiam mihi con-  
cede, januam Paradisi mihi pan-  
de, & ab omnibus malis me  
potenter eripe, & quidquid pro-  
prio commisi reatu, clementer  
indulge: Et sic in hoc sæculo,  
in præceptis tuis fac me perseve-  
rare, ut dignus electorum gregi  
copulari efficiar: te præstante,  
**DEUS** meus, cujus nomen be-  
nedictum; honor, atque regnum  
permanet in sæcula sæculorum,  
Amen.

*Gra*

*Gratiarum actio post Missam.*


**G**Ratias tibi ago Domine piissime, quòd me ad officium Sacerdotale elegisti. Gratias tibi ago dulcissime DEUS, quòd me tuo dulcissimo Corpore & Sangvine refecisti. Gratias tibi ago Domine clementissime, pro devotione quâ me in hac Missa specialiter respexisti. Gratias tibi ago benignissime DEUS, quòd me protegendo à periculosis negligentis custodisti. Mi Domine DEUS, ecce pro gratissima electione, pro dulcissima refectiōe, pro tam piissima respectiōe, pro tam benignissima protectione & custodia tibi optime DEUS, ex toto corde

de

de gratias ago, te benedico,  
et que glorifico in æternum. Eja  
nunc oro piissime DEUS, ut  
sit mihi hoc dulcissimum Sacra-  
mentum contra omnium pecca-  
torum meorum vulnera effi-  
cacissimum medicamentum Sit  
mihi benignissime DEUS, hoc dul-  
cissimum SACRAMENTUM  
omnis virtutis & gratiæ victo-  
riofissimum complementum. Sit  
mihi piissime DEUS, hoc dulcis-  
simum Sacramentum tam in-vi-  
ta, quàm in morte contra omnia  
pericula validissimum tutamen-  
tum. Sit mihi, dulcissime Deus,  
hoc amantissimum Sacramen-  
tum ad æternam beatitudinem  
solidissimum fulcimentum. Mi.

Domi

Domine DEUS, per sumptam quæso Eucharistiam, da mihi ut à peccatis emundatus, merito, fecundatus, sine bono consummatus, tecum in perpetuum sim beatus, cui est honor & gloria in sæculorum sæcula, Amen.



EXERCITIUM MIRE  
ELEGANS.

Post Missam & Communionem.

*Quo Christus eterno Patri offerendus est. Ex P. Antonio Molina Instruct: Sacerdotum, qui ait, hanc formâ utiliore excogitari posse.*

Do-

**D**omine DEUS, Pater Sanctissime, qui per abundantiam charitatis tuæ dedisti nobis unigenitum Filium, ut omnis qui credit in eum, non pereat, sed habeat vitam æternam: & ut thesauro meritorum Ipsius, nostri suppleantur defectus; Ego miserrimus peccator, sed tuâ misericordiâ fidelis Christianus, & servus Domini JESU Christi, velut Ecclesiæ membrum, eum recepi, & meo illum in pectore nunc complector tanquam rem meam, & intimè mihi conjunctam.

Atque ut talem, in unione charitatis, quâ seipsum largitus est, & obtulit, pro nobis in Cruce,

ee, & se dat modò, & commu-  
nicat in hoc Sacramento, tibi  
cum offero cum omnibus me-  
ritis atque virtutibus, in æter-  
nam gloriam & laudem, ac in-  
finitam gratiam, & beneplaci-  
tum tuum: ut in illo tibi perfe-  
ctè complaceas: & ut nos quoque  
tibi placere de actibus nostris  
non valemus, dilectissimi Fili-  
tui meritis & patrocínio, perfecte  
placeamus.

Offero tibi Pater Sanctissime  
omnem ejus charitatem, religio-  
nem, obedientiam, humilitate-  
tem, paupertatem, mansuetu-  
dinem, patientiam, cum aliis  
omnibus virtutibus: quibus pra-  
ditus fuit, ut illis totum, quod  
mihi

mihi deficit, supleatur.

Cumque ego tibi debitas nequeam gratias agere, pro beneficiis in me collatis, offero tibi omnes laudes, quas ipse dedit, cum visibilis nobiscum versaretur in terra: & quas tibi nunc offert in gloria.

Cumque parum satisfacere queam pro peccatis meis, offero tibi omnes ejus labores, jejunia, vigiliis, fatigationes, orationes; quidquid denique fecit aut pertulit, primo instanti conceptionis, donec exspiravit in Cruce: omnes dolores ac tormenta passionis, omnem Sanguinem pro me effusum, omnia vulnera pro me suscepta, ac mortem pro me toleratam.

Hic




Hic est thesaurus Pater cle  
mentissime, in quo totam spem  
reposui; hæ sunt divitiæ, quas  
offero in satisfactionem omnium  
debitorum.


Respice Domine in faciem  
Christi tui, & cum sit hic Filius  
tuus dilectus, in quo tibi sem  
per bene complacuit, qui nunc  
mihi est intimè conjunctus sup  
plex rogo, ut me quoque respi  
cias oculis misericordiæ tuæ. Sub  
ejus protectione ac tutela? sub  
umbra meritorum ipsius, com  
pareo coram te, ut illum præ  
cipuè adspiciens, me quoque  
clementer ac benignè intuearis  
tamquam mancipium ejus, &  
servum perpetuum, nè permit

tas, obsecro, ut pereat illa ani-  
ma, quæ toties in se recepit Fi-  
lium tuum, qui à te missus, ve-  
nit in mundum, quærere & sal-  
vum facere, quod perierat. Hoc  
præsta mihi per infinitam mi-  
sericordiam tuam.

Amen.



De-



DELICIÆ  
Eucharisticæ:

SIVE  
ELEGANTISSIMI  
AFFECTUS.

Ante, & post Missæ Sa-  
crificium, etiam à non Sacerdoti-  
bus ante, & post Communio-  
nem fructuosè usur-  
pandi.

ADMONITIO.

*A*ssus comedabatur Agnus Pa-  
schalis; vide sis, nè sine prædu-  
paratione crudam ingeras Eucha-  
ristiam.

Qui perfunctoriè, ex consue-  
tudi;


rudine potius, quàm affectu DEO  
 vescitur: ignem recipit, & non  
 accenditur; pharmacum sumit,  
 & non medetur langvori; divi-  
 nissimas inter epulas famelica ma-  
 net anima; in mari gratiarum  
 sicca, egena cum bonorum omni-  
 um thesauro.

Errantem inter res creatas a-  
 nimum redne ad excipiendum cum  
 omnibus potentiis Creatorem, ut  
 pro mensura dispositionis infun-  
 dantur tibi opes Divinarum gra-  
 tiarum. Devota Communione lu-  
 craris plus, quàm valeat totus mun-  
 dus, porro plures hìc affectu. da-  
 mus, eò consiliò, ut nunc hos, nunc  
 alios elicias, prout tempus & de-  
 votio permittis, namque etiam

H

in

*in rebus Spiritualibus Varietas*  
delectat.



## PARS I.

*SS. Eucharistie Dignitas*  
& finis.

**A**D me, vilem origine, viliorem crimine, venit DEUS, cujus magnitudini nulla quantitas, potentiae nulla facultas, gloria nulla dignitas, pulchritudo nulla venustas, dulcedini nulla suavitas, naturae nulla bonitas aequari potest. Est melior omnibus; est mihi charior omnibus DEUS.

Venit, mei ductus amore

ut

ut me gratiis suis adimpleat.  
Venit tectus, nè percellat Ma-  
jestas; & mihi terræ vermiculo  
se communicat, qui teste S. Au-  
gustino, Sapientissimus, plus  
dare nescit; ditissimus, plus non  
habet; Omnipotens, plus non  
potest.

Veni in cor meum Amabilis-  
sime DEUS. Te desidero, te  
amo, qui ab æterno me amasti;  
nec me amare, nisi te cogam,  
æternùm defines.

*Vilitas propria:*

**Q**Uæ mea dementia, DEI  
Majestatem mihi viluisse,  
dissipuisse Bonitatem; Quæ mea  
malitia, quòd toties peccati  
cognum, toties serpentinam dia;

H 2

boli;

boli saniem DEO præposuerim? cla

O quàm me pœnitet mi DEUS! ru

Excœcatus creaturis non le  
vavi oculos in pulchritudinem ei

Creatoris infinitam, de

Si tunc ad iudicium raptus te  
fuissem, quò me præcipitâssem?

Quot ardent in inferno, qui cu  
minùs me peccaverunt? Et ego ra  
non ardeo. at

Quis tunc ô DEUS, quando re  
Sanguinem tuum pro me fustum lu  
peccando conculcavi, & con do  
culcantem me infinito odio pro  
sequebaris, quis iustitiæ tuæ fur n  
men continuit? vo

Ipsa mea peccata clamabant fa  
contra me, & tu obturabas au ti  
rem tuam, nè audires: aliorum ti

cla,

clamabant, & exaudisti, seve-  
rus scelerum vindex.

Petit dæmon me, suum man-  
cipium sibi dari; cui non fun-  
denti pro me sanguinem servivi,  
te Deo meo conculcatô!

Et tibi, Augustissime Deus,  
cujus Majestate nec mentes Sa-  
raphinorum dignæ sunt, place-  
at venire ad hoc peccatorum  
receptaculum, fimetô Jobi, spe-  
luncâ larronum, lacu Danielis  
detestabilius!

Veni amantissime Jesu, elimi-  
na virus scelerum, eorumque  
vestigia ex animo meo, munda  
sanguine tuo, illumina præsen-  
tiâ, conforta gratiis, dita meri-  
tis, accende charitate. Veni de

H 3

coe.



coelo in abyssum vilitatis meæ; go  
mane, & me de abyssu scelerum, qu  
coelum virtutum effice.

*Contritio.*

**A** Mabilissime DEUS, non pec  
tam inferni horrore, nec  
coeli amittendi metu; quàm tia  
tui amore intimè doleo, quòd vor  
peccatis meis offenderim tuam me  
infinite amabilem Majestatem,  
ipsamque divinissimam Bonita. An  
tem tuam.

Pœnitet me semper, quòd  
cum gravissima tua injuria, &  
contemptu, peccatorum & ab  
ominationum illarum infernale  
toxicum amârim! e &  
qua

Ignosce, Clementissime Je- sol  
su, per vulnera tua te rogo; ro  
go

ex; go per sanguinem tuum, cum;  
um que pro dilectis meis offero.

Execror omnia, & plùsquàm  
infernum detestor, singula mea  
non peccata.

nec Nunquam, tua juvante gra:  
uàm tia, nunquam, velut canis ad  
quòd vomitum reversus, peccatorum  
uam mephitim reamplectar.

em, Nunquam è verme factus  
nita. Angelus, redibo ad cadaver.

*Fides.*

quòd  
, & **C**Oram tua divina Majesta:  
te, veritate ineffabili, hu:  
ab millinè prostat, toto intel:  
rnale lectu & animo credo firmissimè  
quæ continentur in Symbolo Apo:  
e Ie- blico; & omnia, quæ dixisti;  
; ro: revelasti, & mediante S. Ecclesia  
go Catho:

Catholica proposuisti, nolo, ut  
ratio mea iudicet de eo, quod  
est supra rationem.

Martyrum supplicia, & inpe-  
tensissimos fidei actus, fidei ad-  
etiam integerrimam SS. Mariam  
Virginis, tibi offero.

Da, per tuum sanguinem  
precor, ut totus mundus fidei  
& bonitate, te veneretur, fidei  
oportet. Confiteantur tibi pueri  
puli Deus, confiteantur tibi pueri  
puli omnes, Omnis terra ador-  
te, & psallat tibi.

*Spes.*

**I**ngredior, ô potentissim  
& liberalissime Deus, in  
finitum Bonitatis tuæ Oce-  
num, Speroque firmissimè per-

me

lo, u merita Jesu Christi Filii tui, Re-  
quodemptoris mei, per opera etiam  
mea, facta ex gratia tua, veniam  
& in peccatorum meorum; ac vires  
fidei ad tentationem quamvis superan-  
Mat. dam; ac tandem gratiam ad fru-  
endum tuo Beatissimo aspectu in  
ulnes celesti patria.

s fidei Promittis Regnum cœlorum,  
, sicut & ultra promissum, formam  
ibi posui induis. Quid negabis mihi:  
ibi posui temetipsum jam dabis, &  
adorationes dedisti, fontem bonorum  
omnium?

*Charitas.*

issim **T**urpis error! amare, quod  
in id dignum est odio.

e Oce **D**EUS est Charitas, Interro-  
mè per **S. Bernardus**: Quid pre-  
me: tio:

tiosius. Et qui manet in charitate, in DEO manet: Quid est securius? Et DEUS in eo: Quid delectabilius?

DEUM amare, tam est excelsum, ut Beati omnes nobilissimi agere nihil possint; qui paterentur inferni flammis potius pro quam momentô unicô cessarent ab ejus amore.

Et sunt in te, DEUS, illecebra omnis amoris, omnis desiderii satietas, & omnium gaudiorum plenitudo omnis. Igitur:

Immergo cor meum in bonitatis oceano: & ut amplius amare possim, ad te venio. Trahe, ô bonum infinitum, me trahe mentem meam, & adstr

chari ge vinculo tui amoris indisso-  
d elubili.

Quid Ō magne DEUS! te amo ex  
toto corde, immensam tuam  
excellens perfectionem, altissimam Sapi-  
bilium entiam, infinitam potentiam,  
terrenam & divinissimam bonitatem,  
potius propter te ipsum, Ō Pater, Ō  
Fili, Ō Spiritus Sancte! Tibi, a-  
mabilissime DEUS, corda infi-  
cebrata, plena omni possibili affe-  
fidentu, Seraphicis etiam & Maria-  
iorum his honoribus æstuantia, in ho-  
locaustum amoris offero. Et  
hunc novo hunc amorem toties,  
impliquot sunt momenta in æterni-  
o. Nate: ejusque signum sit pulsus  
m, meæ arteriæ.

disti Tuum etiam amorem Do-  
mine

mine tibi offero, in supplementum exigui mei amoris, & totius mundi, te aut nihil, aut non fatis amanti; qui dignus es videri amari omnibus.

*Desiderium.*

**O**Mnia Christus est nobis ait S. Ambrosius: si vultis curare desideras, medicina est; si febribus æstuas, fons est; si gravaris iniquitate, justitia est; si auxilio indiges, virtus est; si mortem times, vita est.

*Dices animæ meæ: Salus tu ego sum. Sicut Zachæo facta est, cum te Salvatorem domus tuæ excepit.*

Vivam ego, jam non ego, verò in me Christus. Quæ ad:

admodum & silvestris arbor,  
nobiliorē furculi infiti vitam  
haurit: exit & in cælum ramis  
felicibus arbor.

Accende igitur, mei appe-  
tens Jesu, in me tui desiderium,  
per illud, quo Mater tui aman-  
tissima triduo te perditum quæ-  
sivit; per illud, quo tuam Re-  
surrectionem suspiravit; per il-  
lud, quo ardens post Ascensio-  
nem tuam quotidie Eucharistiæ  
deliculis fruebatur.

### I N T E N T I O.

**O**ffertur Sacrificium qua-  
druplex: Honorarium, Eu-  
charisticum, propitiatori-  
um, & impetratorium.



1. **Sacro Sancta Trinitas** unus Deus, divinæ Majestati Tuæ Sacrificium corporis, & sanguinis Domini Nostri Jesu Christi offero. in unione illius amoris quo Filium Pater in mundum misisti, & illius Sacrificii, quod Filius in cœna & cruce obtulit & nunc mecum offert summus Pontifex. Desidero implere quod ipse instituit, & Ecclesia intendit pro Gloria DEI.

Ad æternum tuæ Majestatis cultum & honorem; in promotionem supremi in nos Domini, in memoriam & venerationem Incarnationis, vite & mortis Domini mei JESU Christi. Et offero affectu Deo paræ

paræ, omnium Sanctorum, &  
cum hujus diei Sacrificiis omni-  
bus tibi placitis.

Gaudeo, tantum te esse, ut  
a nulla creatura dignè æstima-  
ri possis. Filium proinde tibi  
tuum in Sacrificium laudis infi-  
nitâ tua Majestate dignum of-  
fero.

2. Offero eundem in gratia-  
rum actionem omnium benefi-  
ciorum: Creationis, Redemptio-  
nis, Vocationis, Conservatio-  
nis, Eucharistiæ aliorumque  
sacramentorum: eximiorum  
charismatum humanitati Chri-  
sti, Deiparæ, Cœlitibus, toti  
mundo, & mihi ingratiſſimo  
collatorum, & conferendorum.

3. In satisfactionem pro me  
is, omniumq; peccatis, in com-  
pensationem offero tibi Filium  
Hostiam placationis gratissi-  
mam.

Primario offero divinæ Ma-  
estati tuæ hanc immaculatam  
Hostiam pro NN. Deinde pro  
iis, pro quibus orare teneor. Et  
juxta hodiernam meam inter-  
tionem. Etiam pro agnizati-  
tibus, Animabus Purgatori-  
&c.

Ad indulgentias consequen-  
das: Hodiernas, Sodalitatis  
Pontificis. Quinque Sanctorum  
Religionis, &c.

*Petitio gratia.*

**A**D vos ô Sancti, & Amici  
Dei

Dei, ad te S. Angele Custos, S.  
Iosephe, S. Ioannes Baptista,  
& Evangelista, S. Ignati, S. Xa-  
veri, S. Borgia, SS. Patroni mei  
alii, SS. Menstrui, SS. hodia-  
ni, omnesque Cælites, ad vos  
supplex confugio: ornatæ ve-  
stris me virtutibus, & iis mihi  
ornato adducite Aulici Sancti  
vestrum Regem, quem exopto  
suscipere eo cordis mei apara-  
tu, qui illi in vobis maxime  
placuit.

Tuque Regina cœli, & Au-  
gusta Mater Salvatoris mei,  
quem donis S. Spiritus plena  
portasti, & in Eucharistia su-  
scipisti: impetra mihi & omni-  
bus hodie communicantibus,

Am. Dei

I. 3

ejus.

eiusdem S. Spiritûs dona, per D  
amorem Filii te precor.

Et (qualiter docuisti S. Geropici  
trudem ante Communionem Ip  
precari) te precor per illam inu,  
nocentissimam puritatem, quâ meo  
Virgo placidam mansionem Fiitor  
lio Dei præparasti; fac tuis prætem  
cibus, ut ab omni emûnder ma-pun  
cula. Te precor per profundis S  
simam humilitatem, quâ superter,  
omnes Angelos, & Cœlites me yun  
ruisti exaltari, fac ut suppleantore  
tur omnes meæ negligentia. Per in r  
amorem denique illum inæsti  
mabilem, (qui te D E O in-  
sepatabiliter conjunxit) precor  
fac, ut diversorum meritorum  
copia mihi præstetur:

per. Dic Filio tuo Virgo, ut in  
gratiam tui me, meosque, re;  
Ger piciat.

onem Ipse etiam, clementissime Je:  
n in- u, para Majestati tuæ in animo  
quæ meo thronum ex thesauro me-  
n Fictorum tuorum; per eum amo-  
pretem te rogo, quo te mihi in cl;  
t ma-pum dedisti.

ndis. Sed & misericordissime Pa:  
uperter, qui Filium tradidisti, ut ser-  
s me-um redimeres, ex hac miseri-  
leant cordia & amore da, quod tibi  
e. Pen me placitum est.

na-  
O in- *Aspirationes ante Sa-*  
reco- *cram Communionem.*  
orum

Die **J**ESU infinite amabilis, & de-  
siderate millies, veni in cor  
meum:

meum; posside illud, & conforta  
ma cordi tuo.

Veni Sol, qui totum mun-  
dum illustras, illumina mentem  
meam.

Veni cœlestis Auster, ani-  
mum meum perfla, ut in eo  
crescant grata tibi aromata vir-  
tutum.


Veni pluvia diviniſſima, ſtil-  
licidiò tui pretioſi ſanguinis ir-  
riga mentem meam.

O dulciſſime JESU, te am-  
plector: de quo virtus exibat  
ſanabat omnes. Veneror caput  
ſpinis coronatum, frontem ſpu-  
tis deſcedatam, oculos vigili-  
marcidos, genas colaphis contri-  
ſas, ſaucios cruce humeros, vul-

onfor  
peratumque corpus totum, &  
totum exosculor reverentissi-  
mè.

mu  
enten  
Exosculor pedes, manusque  
clavis, & pectus lanceâ, magis-  
que mei amore transfixum.


, an  
in e  
ta vi  
na, sti  
nis i  
te am  
ibat  
capu  
m spu  
vigilia  
contu  
os, vul  
ne-  
Præsumo; clementissime Je-  
su, tua intrare vulnera, civita-  
tes refugii, balnea peccatorum,  
animi pharmaca, fidei lumina,  
fundamenta spei, amoris incen-  
dia, thesaurorum æraria, virtuta-  
rum alimenta, victoriæ insignia,  
flumina salutis, ut in his  
sinè naufragio ad cœlum  
navigem.



I 5

PARS





## P A R S II.

*Aspirationes post SS.**Communionem.*

**C**Redo te Dominum meum  
& Deum meum intra me  
commorantē. Sentiat prae-  
sentia Divinae potentia mens mea  
eam illumina, fidemque auge.

Spero benignissime Iesu, me  
fore meritorum tuorum, dono-  
rumque caelestium participem.  
Quid negabis mihi, cui te ipsum  
dedisti? jam habeo te, qui ha-  
bes omnia; possideo te, qui po-  
tes, & possides omnia.

Noli cor meum jam foris  
quærere, quod ames; habes in-

¶ *G*ra te cœli delicias, amabilissimum Deum.

Amo te divinissime Hospes: accende in me tui amorem; da, ut nunquam extinguatur, nec intepestcat.

O anima mea! immitte te totam in præsens tibi, & apertum Christi Iesu latus, amoris thronum, clementiæ portum, gratiarum pelagus, perfectionis paradisum, & abyssum divinitatis: hauri hinc cum S. Chryso-stomo merita, & sanguinem Domini tui, & cum hoc omnia.

*Gratiarum Actio.*

**O** Beata Trinitas! ô infinita Deitas! ô divina humanitas! ô corpus Iesu, salutis

meæ victima! ô anima amoris me  
& vita! posterno me, & Majestati  
divinissimam intra me existen-  
tem adoro, omniumq; Sancto-  
rum possibili affectu veneror.

Venisti ad servum Dñs, spon-  
sus ad infidelem sponsam, Pater  
ad prodigum filium, ad creaturam  
Creator, ad nihilum omne bo-  
num; infinita Sanctitas, & Ma-  
jestas, ad infinitam foeditatem,  
& mileriam; Deus, ad limum.  
Benedic anima mea Domino, &  
omnia, quæ intra me sunt, No-  
mini sancto ejus. Sed & bene-  
dicat tibi, ô aterne Deus, uni-  
genitus Filius tuus, qui intra  
me est. Per illum, Majestatem  
quam laudant Angeli: & ego per  
illum

illum te laudo, & amo, laude  
& amore ipsius infinito. De gló-  
ria Majestatis tuæ exulto gau-  
dió ipsius infinito: detestor o-  
mnine peccatum meum, & quid-  
quid tibi displicet, odio & de-  
testatione ipsius. Offero illius  
omnes gratias, eas etiam, quas  
ante institutionem hujus SS. Sa-  
cramenti elevatis oculis nostro  
nomine dedit. Denique uni-  
versos illius actus internos, &  
externos, vitæ mortalis, & im-  
mortalis: quos secum mihi do-  
navit, tibi velut thymiana sva-  
visimi odoris offero.

Suscipe illas etiam, Ô DEUS,  
laudes & gratias, quas Beata  
Virgo Mater in tui Conceptio-  
ne, Nativitate, Communionem.

olim, & jam, persolvit. Per  
hanc Dominam præsento exi-  
guam tibi meam gratitudinem,  
O Deus meus, & omnia!

Benedicant etiam te millies  
cum S. Angelo meo Custode,  
omnes Angelici Chori, qui  
throno tuo adstantes, Sanctus,  
Sanctus; Sanctus proclamant.

Et omnes Sancti suis laudi-  
bus ( quas in usu hujus Sacra-  
menti obtulerunt, & nunc of-  
ferunt ) compensent, precor,  
meam insufficientiam.

Exopto, ut omnes creaturæ,  
quas tres pueri in fornace illasi  
invitârunt, omni & perenni af-  
fectu laudent te DEUM, intrâ  
me habitantem, per quem ab  
æter;

eterno incendio libetatus sum.

Magnus es Domine, & laudabilis nimis. Desidero omnes vitæ meæ respirationes tibi eas esse laudes, & gratiarum actiones, quas omnes tibi Cœlites æternum offerunt.

*Oblatio.*

**L**iberalissime Deus, qui te mihi in cruce obtulisti, & in Eucharistia jam dedisti: me etiam tibi totum offero.

Renovo, & confirmo vota mea, & omnia tibi serviendi desideria.

Atque, ut divinissimas Epulas non sinè symbola sumpserim, meam adhuc hodie sensualitatem, & amorem proprium  
in

in aliquo vincam; ut oblatum  
Deo sim acceptior.

Nihil mundanum deinceps  
& vanum recipiet cor meum;  
in quo, mi Deus, habitas.

Quis Deum è calice ejiciat,  
ut finem includat: hoc age-  
rem, si in animam reciperem  
peccatum, quod Deo est sum-  
mè contrarium.

Quidquid est erga me & crea-  
turas affectus, in te solum  
transfero.

Habeto clavim cordis mei,  
ut ingrediaris & disponas pro  
tuo arbitrio plenus illius Do-  
minus.

Resigno me juxta tuum ar-  
bitrium ad vitam, vel mortem

Et

Et quid magnum est, quòd  
in manus Salvatoris mei aman-  
tissimi me commitam: qui se  
in carnificum rabiem pro me  
obtulit; & pro vita mea mor-  
tuis est: quod majus est, quàm  
si Rex necem subiret, nè musca  
mactaretur.

Quæ commutatio, quòd pro  
Domino servum, pro Deo red-  
dam me hominem peccatorem?

Dilectissimum proinde tibi  
tuum & Virginis Filium mihi  
intimè unitum, terræ, cœlique  
thesaurum, & velut rem meam  
offero, Pater clementissime; ut  
in eo tibi perfectè complaceas.

*Petitio.*

**O** Clementissime DEUS! nè  
pro



projicias me à facie tua, pro cuius salute te abjecisti: & cui te in alimoniam dedisti.

Parce, Pater amantissime, parce filio prodigo.

Da veniam omnium delictorum meorum, per pretiosissimum Filii tui sanguinem, per vulnera, per omnia ejus merita precor. Hæ sunt divitiæ, quas tibi offero in satisfactionem meorum debitorum.

Da, ut divinâ præsentia tuâ liberer ab omni prorsus peccato, & replear donis gratiæ tuæ.

Da gratiam emendandi omnes etiam minimos defectus, maxime hunc, contra quem examen particulare facio, Vides,

quàm

quàm sim fragilis! Ego quidem  
lapsus caverè propono, sed ta-  
men labor. Suppone manum  
tuam, Domine.

Da, ut è rebus terrenis me  
expediam, fræna inordinatos  
affectus meos.

Da ut mihi moriar: & tibi  
soli vivam.

Eripe me de inimicis meis.  
Parâsti in conspectu meo men-  
sam adversus eos, qui tribulant  
me. Do tibi, ô! Domine, o-  
mnem illam laudem, quam in  
æternum dare potuissent infâ-  
mes illi spiritus, qui me, meos,  
totumque mundum oppugna-  
runt, & sunt oppugnaturi.

Da gratiam ordinaria opera  
per:

perfectiùs peragendi, maxime  
hoc N. Cupio tibi servire dein-  
caps in iustitia, & sanctitate.

Da auxilium perfectè servan-  
di vota, proficiendi in virtuti-  
bus vocatione mea dignis.

Robora memoriam, intel-  
lectumque juxta muneris mei  
exigentiam illumina, & volun-  
tatem tui amore inflamma

Cor mundum crea in me De-  
us. & spiritum rectum innova  
in visceribus meis. Cohibe, per-  
potum tuum felleum, omnem  
concupiscentiam.

O humilis Iesu, qui te ad spe-  
cies panis, & vini demittis, & à  
multis indignè tractaris; qui e-  
tiam ad me indignissimum ve-

nisti

nisti: da mihi humilitatem per  
omnem tuam demissionem.

O Domine, qui in horto san-  
guineo cum sudore orasti; fac,  
ut laudem te ex toto corde. Nè  
dormitet anima mea in tuo cul-  
tu, & servitio.

O Iesu patientissime, per a-  
lapas, flagella & per innumeras,  
quas pro me perpeſſus es inju-  
rias, te obtestor: da mihi pati-  
entiam, & mansuetudinem.

O mi Salvator! concede mi-  
hi, quod deest ad felicem mor-  
tem: cui tam vicinus sum, ut  
hodie evenire possit.

Per tuum agonem, & tres in  
cruce horas, miserere mei in il-  
lo mortis articulo, à quo pendet  
eternitas.

Po:

Pone etiam inter justitiam  
tuam, & peccatricem animam  
meam, cum ad tribunal tuum  
venerit, sacratissimi sanguinis  
tui pretium.

Denique sis in omnibus mi-  
hi omnia: Dux in dubio, Ma-  
gister in scientiis, virtus in ten-  
tationibus, Medicus in ægritu-  
dine, Solamen in angustiis,  
Clypeus in adversitate, Salus in  
agone.

Per eandem charitatem, quâ  
dilexisti mundum, miserere o-  
mnium, pro quibus mori di-  
gnatus es. Applica Passionis  
tuæ uberrima merita iis, pro  
quibus orare soleo, ac teneor,  
juxta priorem, & hodiernam  
meam

meam intentionem: omnibus.  
que aliis. Largire vitam bea-  
tam defunctis, in qua plenius,  
pro me etiam, te laudent, &  
amant: gratiam vivis: quâ tibi  
magis placeant, per merita Bea-  
tæ Virginis tuæ Genitricis, &  
omnium Sanctorum. Quæ tibi  
tuis unita meritis offero, repræ-  
sentanda æterno Patri.

O Augusta Virgo Mater! quæ  
dignè portâsti eum, quem nunc  
suscepi: impetra illa, quæ Filius  
tuus vult, & scit mihi meisque  
optima. Impetra etiam veniam  
pro tepida tanti Hospitis susce-  
ptione.

Denique, ô Sancte Tutela-  
ris Angele! S. Iosephe, S. Jo-

annes, S. Ignati, S. Xaveri, SS  
Patroni, Divi hodierni, Sancti  
Menstrui, omnesque Sancti &  
Sanctæ Dei, qui per mortalita-  
tis pelagus ad portum æterna  
felicitatis pervenistis, securi de  
vobis; de periclitantibus nobis,  
per vestra merita vos precor, es-  
stote solliciti. Impetrate preci-  
bus vestris, ut panis Eucharis-  
ticus sit mihi, meisque robur  
in infirmitatibus, periculisque  
animæ ac corporis, ut in forti-  
tudine Cibi hujus ambulemus  
per mundi desertum usque ad  
montem DEI, & patriam cœ-  
lestem: Ubi copia sinè defectu,  
societas sinè ulla interruptione,  
gloria sinè invidia, securitas si-

nè

ne periculo, vita sine morte;  
bonum omne sine fine. Amen.

Ad extremum, ô amantissime  
JESU, supplex te rogo, per  
virtutem Sacratissimi Corporis,  
& Sanguinis tui, abstrahere cor  
meum totaliter ab amore hujus  
seculi, & creaturarum omnium:  
quæ in me perfectum tui amor  
tem, & fructum hujus Sacra  
menti impediunt; meque tibi  
intimè unias, atque incorpo  
res, ut unus tecum efficiar Spi  
ritus; ut tu in me, & ego in te  
maneam in æternum, ô Vita ani  
mæ meæ, ô DEUS meus! ô  
omne bonum meum,

Amen.

K

Deves



## Devote Lector.

*Nè sequentes Pagellæ vacantes  
carent, placuit selectas  
Orationes subungere.*

I. Ad JESUM Agonizantem  
pro felici morte.

**D**omine JESU Christe, per  
illam amaritudinem Passio-  
nis, quam sustinuisti in Cruce  
pendens, maximè, quando Sa-  
cratissima tua Anima egressa est  
de Corpore tuo, miserere anima-  
mez in egressu suo, Amen.

*Ob hanc Oratiunculam quoti-  
die dictam, Religiosus quidam  
Abbate post mortem comparent  
omne sibi purgatorium à DEO*

con-

condonatum, offeruit, Specul:  
Exempl: Dist: 6. cap. 10.

II. Tres Orationes ad B.  
Virgin. S. Mechtildi revela-  
ta, pro felici morte quotidie  
dicenda.

## I.

**O** Domina mea, Sancta MA-  
RIA, sicut DEUS Pater per  
Omnipotentiam suam te poten-  
tissimam effecit, ita mihi quæ-  
so adsis in hora mortis meæ, ex-  
pellendo à me omnem contrari-  
am potestatem, Amen.

*Ave Maria gratiâ plena, &c.*

## 2.

**O** Domina mea, Sancta MA-  
RIA, sicut te Filius DEI tan-

K 1

tâ

tâ sui cognitione, & claritate  
donavit, ut totum cœlum illu-  
mines; itâ in hora mortis meæ  
animam meam cognitione fidel  
sic illustra, & corrobora, ut ullo  
errore aut ignorantia perverta-  
tur, Amen.

*Ave Maria gratiâ plena, &c.*

3.

**O** Domina mea, Sancta MA-  
RIA: sicut Spiritus Sanctus  
suum amorem tibi plenè infudit  
itâ in hora mortis meæ dulcedi-  
nem amoris divini mihi instilla-  
ex quo omnis amaritudo mihi  
reddatur suavissima, Amen.

*Ave Maria, &c.*

*III. Oratio ad S. Barbaram  
pro felici morte.*



**O** Sanctissima Virgo Barbara,  
quodcunque Sponsi tui vi-  
ribus potes, mihi in mortis arti-  
culo, obsecro, ut suppedites.  
Adjuva me miserum, nè in pec-  
catis moriar! Effectum tunc ha-  
beat tuâ intercessione primitus  
à Christo tibi facta promissio,  
cùm fidem ejus tuo Sanguine  
consecrares. Redeat in memo-  
riam Sponso tuo Virgineus collo-  
tuo, exuberans Sanguis: recor-  
detur ardentissimæ tuæ charita-  
tis, nec animam meam è corpo-  
re exire permittat, nisi Confes-  
sione expiatam, & SSmo  
Eucharistiæ Sacramentô  
refectam, Amen.

## Amuletum

Contra repentinam mortem.

*S. Edmundum, adhuc juveniculum, Jeshus ipsi apparens docuit, contra mortem repentinam se prœmuniret quotidie, dicendo JESUS Nazarenus, Rex Judæorum, & signò Crucis in fronte se ter signaret.*

*Ad S. Judam Thaddæum Apostolum, & Christi consanguineum, Patronum in rebus desperatis.*

*Pater noster, qui es in cœlis, &c.*

*V. S. Juda Thaddæe Apostole pro nobis ora. R. Et à periculis cunctis nos libera omni horâ.*

**ORA-**

## ORATIO.

**D**EVUS, qui S. Judam Thaddæum, gloriosum coram te Apostolum, sed in mundo propter nefandum Iudæ proditoris nomen, parùm cultum, hōc sæculō celebrem facere, eūmq; in rebus desperatis, & periculosis, specialem Patronum constituere dignatus es: concede propitijs, ut ejus apud te intercessione, gratiā tuā digni inveniamur, ac in periculis positi, ab iis, te miserante, eripiamur: Per Dominum nostrum Iesum Christum Filium tuum, qui tecum vivit & regnat in unitate Spiritus Sancti **DEUS,**  
per

per omnia sæcula sæculorum;  
Amen.

## Ad S. Laurentium M.

Patronum animarum  
Purgatorii.

**Q**ui ignem purgantem, aut di-  
uturnius illius supplicium eva-  
dere cupiunt, colunt Sanctum  
Laurentium Levitam & Marty-  
rem. Hic enim (ut Sancto cuidam  
Abbati ejusdem Divi cultori, re-  
velatum est) quavis Feriâ sextâ  
realiter ad purgatorium descen-  
dit, & inde complures, sibi de-  
votas, suæque intercessioni fidentes  
animas, liberat. Quam gratiam  
DEUS illi ab immensum flamma-  
rum tormentum, quod perpeffus  
est.

est, concessit. Ita S. Gregorius Tu-  
ronensis.

## O R A T I O

De S. Larentio.

**D**A nobis, quæsumus, Omni-  
potens D-E-V-S, vitiorum  
nostrorum flammæ extinguere,  
qui B. Laurentio tribuisti tor-  
mentorum suorum incendia su-  
perare. Per Dominum nostrum  
Jesum Christum, Amen.

Ad S. Antonium de Pa-  
dua, pro rebus perditis  
recipiendis.

Responsorium.

**S**I quæris miracula, mors, er-  
ror, calamitas, dæmon, le-  
pra fugiunt; ægri surgunt sani-  
ce;



cedunt, mare, vincula; membra  
 reliq; perditas petunt & accipi-  
 unt, juvenes & cani. Pereunt  
 pericula, cessat & necessitas;  
 narrent hi, qui sentiunt; dicant  
 Paduani. Cedunt mare, vin-  
 cula; membra, resque perditas  
 petunt, & accipiunt, juvenes &  
 cani. Gloria Patri, & Filio, &  
 Spiritui sancto. Cedunt mare,  
 vincula; membra, resque perdi-  
 tas petunt & accipiunt juvenes  
 & cani.

✠ Ora pro nobis B. Anto-  
 ni. R. Ut digni efficiamur pro-  
 missionibus Christi.

*Oremus:*

**M**itissime, & clementissime  
 IESV, qui B. Antoni-  
um

um Confessorem tuum, perpetuis illustras miraculorum splendoribus; concede propitius, ut quæ per ejus merita petimus, per ejusdem intercessionem efficaciter consequamur. Qui vivis & regnas in sæcula sæculorum, Amen.

**AdS. Liborium contra**  
dolores calculi, &  
arenæ.

*Hymnus antiquissimus.*

**C**hristi Præsul egregius  
Pro nobis hîc Liborius  
Oret DEVM altissimum,  
Nè pro culpa peccaminum  
Morbô vexemur calculi,  
Succurrant nobis Angeli,  
Et


Et post vitæ cartamina  
Ducant ad cœli gaudia.


*V.* Ora pro nobis pie Pater Li-  
bori. *R.* Ut à calculi merea-  
mur doloribus liberari.

### ORATIO.

**D**EUS, qui Liborium Por-  
tificem tuum, aliis innume-  
ris gloriosum miraculis, speci-  
ali in medendis arenæ & calculi  
doloribus privilegiô decorâsti:  
Præsta quæsumus, ut ipsius m-  
ritis & intercessione, his aliisque  
malis eruti, gaudiis perfrui me-  
reamur æternis. Per Christum  
Dominum nostrum,  
Amen.

**F I N I S.**





Biblioteka Jagiellońska



stdr0026854



